

MARIANGELI 2
A FANO BENEDICTI
AUCTARIUM


*Ad Grammaticam Philosophicam ejusque
Rudimenta.*

In quibus præter illa, quæ de literis Latinis novè disputantur; Grosippi sententia de Lexicorum Latinorum virtutibus ac vitiis, quæque ratio in conficiendo linguæ latinæ Thesauro tenenda sit, distinctè exponitur.

*Accessit in Grosippi Grammaticam, Paradoxa;
Nominum & Verborum Paradigmata, inque hoc ipsum
Auctarium accuratissimus Index.*



AMSTELÆDAMI,
Apud JUDOCUM PLUYMER Bibliopolam, propter
Curiam, sub signo Senecæ. M. DC. LIX.



Illustrissimo Viro

D. HIERONYMO
DE SAGARRAGA,

Senatori Regio & Sanctioris Consilii
in Insubribus. •

MARIANGELVS A FANO
BENEDICTI S. P. D.

IAM ipsi octodecim sunt anni,
cum in hanc nostram Insubriam
appulsus, ea abstinencia, integri-
tate, religione ac sanctitate jus
reddidisti, ut te non aliter ac reliquias aurei
seculi omnes colant, tibi linguis animisque
faveant, ac prosperrima quæque augurentur,
& ex quocunque honorum tuorum incre-
mento, & accessione dignitatis maximum si-
bi fructum capere videantur. Ego privato
præterea nomine tibi me plurimum debere
agnosco, cum patrem meum τὸν μακαρίτην
minime vulgari benevolentia dum vixit fue-
ris complexus, & vita functo integritatis, fi-
dei & officii testimonium prolixè impertiri
soleas, quæ utraque res mihi ad Illustris Vi-
ri *Pascasii Grosippi* gratiam suffragata est, ut &
biblio-

bibliotheca ejus meo more ac modo uti , &
 ipsum quoties vellem adire ac de literis con-
 sultare possem. Ea occasione satissime uti scive-
 rim, ex hoc arbitraberis specimine, quod cla-
 rissimo tuo nomini inscribere mihi visum est.
 Nec enim in eo quicquam invenies , quin id
 vel ex libris Grosippi, qua scriptis, qua editis
 mutuatus sim; vel ex viva voce mecum &
 cum aliis hominibus doctis, officii causa sub-
 inde ad eum visere solitis, differentis arripue-
 rim. Etsi autem non fere inveniuntur Juris-
 consulti, in Italia quidem nostra & in vestra
 Hispania, quibus quicquam operæ ad hoc li-
 terarum genus conferre libeat , quod ita ho-
 minem decet, ut *Humanitatis* ex eo nomen
 invenerit : non tamen periculum est ullum,
 ne tibi literarium hoc munus sordeat potius,
 quam te demereat. Satis enim ornatissima
 illa Bibliotheca tua clamat , minime tibi re-
 motum à politioribus literis esse ingenium,
 cum & veteres auctores omnes, & ex recen-
 tioribus, ut quisque optimus censetur , in ea
 existent, tuque adventoribus tuis, viris litera-
 tis, facile probes, te libros istiusmodi nequa-
 quam in apparatu modo habere , sed quic-
 quid subscevi datur temporis, iisvolvendis
 avidetribuere. Accedit necessitudo illa, quæ
 tibi

tibi cum Grosippo per XIII. jam annos
 prope fraterna intercedit, cujus inter homi-
 nes natione ac vitæ genere aliqui differen-
 tes conciliandæ momentum aliquot in stu-
 diorum similitudine esse debuisse, alii suspi-
 cantur, ego autem planè scio, adeoque pror-
 sus dubium non habeo, cum alia ingenii ejus
 monumenta Theologica, Ethica, Politica &
 Historica inter libros tuos conspicerè, iisque
 otium oblectare gaudcas, quin libenter ista
 etiam, quæ tibi offero, sis cogniturus. Vale,
 vir Illustrissime, meque paterni erga te studii
 & observantiæ hæredem gratia, ac benevo-
 lentia tua complecti perge.

Mediol. Kal. Jul. M. DC. XXIX.

AUCTARI

AUCTARII ARGVMENTA

1. **D** *E genere hoc loquendi, Necesse habeo monitore.*
2. *Doccor à te, non idem est, ac Tu me docēs. Johannes ab Austria & de Austria rectè dicitur.*
3. *Nullus Genitivus ab Adjectivo regitur, nec ab ullo verbo.*
4. *De Syntaxi hac, Petendum est pacem: deque formali & materiali accusativo, qui à verbis regitur.*
5. *Nullum esse verborum Modum Potentialem nec Permissivum.*
6. *Scio quod es doctus, vel sis doctus: & scio te esse doctum, indifferenter dici. Quæque sint virtutes ac vitia Lexici sive Thesauri lingue Latine.*
7. *De Syntaxi Visum ire, & Visum iri: deque Nominibus Verbalibus, præcipueque Participiis.*
8. *De Relativorum, præcipueque Reciprocorum syntaxi.*
9. *Annotationes in Alvarum de syllabarum quantitate.*
10. *De Versuum Comicorum Dimensione.*



Illustrissimo Viro

BALDUINO DE
MONTE SIMONCELLO

MARIANGELUS A FANO
BENEDICTI. S. P. D.

I.

NON vereor, ne quisquam eorum, qui te no-
runt (quis autem paulo humanior in Italia te
non nosset, tam illustri nobilitate virum, &
Latinæ atque Hetruscæ eloquentiæ tot jam
libris testatæ fama clârum?) me parum in eo
decorè facere simulet, quod cum Marti jam
opereris, & legioni classique præsis, ad te de literis referre
non dubitem. Sciunt enim omnes, te haud paulo rectius,
quam Homericum illum Asteropæum, *μεγδιξιον* sive *Æqui-*
manum aut *Ambidextrum* perhiberi, qui pari facilitate belli
pacisque artibus, armis & literis ad ætatis nostræ ornamen-
tum uti soleas. Mihi hoc præterea satis exploratum est, te
quicquid otij tibi suppeditat in nulla re libentius contere-
re, quam in eo literarum genere, quod nomen ab humanitate
mutuatum est. Ejus quippe rei pernoscendæ occasio decem
abhinc mensibus Pascasij Grosippi nostri beneficio mihi obti-
git: ad quem cum hospitio in hac urbe nostra divertisses, di-
gnus fui habitus te tantum *Compellare virum, & dextra con-*
jungere dextram, atque adeo tuo aliorumque doctis-
simorum hominum convictu uti, ac quemadmodum

mihi visus sum , *epulis accumbere Divum*. Inde ex eo tempore præstantes illas animi & ingenii tui dotes colere non destiti, quodque natura fert, ut quos ipsi probamus, iis maxime probari nos velimus, aliquod mei erga te studij & amoris specimen edere jam diu constitui. Eo consilio nunc ad te mitto, quæ mihi Grammaticæ novæ Rudimenta , nonnullaque monita ex ejusdem Pascasij Grosippi Adversariis à me collecta ac digesta ad prelum adornanti de capitibus quibusdam ad Latinæ orationis constructionem pertinentibus, commentati visum est. Quibus si non omnino operam me luisse , sed pretium aliquod laboris à me factum censueris , erit cur mihi gaudeam , meque minimè jam dubium mutux tuæ erga me voluntatis argumentum habere credam.

Novæ ergo Grammaticæ auctor, ut nosti, pag. 131. clari in literis nominis viro solæcisini dicam impegerat ob ista ejus verba: *Nos monitore necesse habemus*. Id vehementer Magistrum meum ejusdem docti viri disciplinæ alumnum pupugit: eaque is re advocationem magistro commodare annisus est, cum defenderet , non regularem in verbis illis syntaxin esse, sed figuratam, quippe in quibus cum præpositio *In*, tum substantivum Nomen *Negotium* per ellipsin supprimantur, proinde ac si dictum foret: *Nos necesse negotium, vel necessarium opus in monitore habemus* : velut alter ille loquendi modus satis pervulgatus fidem facit, *Nos monitore opus habemus*, id est, nostrum opus & labor est in monitore , ut monitorem scilicet habeamus: pro quo aliter dicitur, *Monitor nobis opus est*, id est, Monitor est illud opus, circa quod nos occupari convenit. Et *Monitoris opus nobis est* : ubi Genitivus objecti significationem habet, velut auctor pag. 128. monuit, sicut in hoc Plauti Persa: *Non habui ei fidem argenti* , id est, non credidi, cum mihi argentum daturum. Ita opus monitoris , sive de inveniendo monitore, nostrum nunc opus & labor est. Poëta in Triphallicis:

Nemo meo melius nervum tenebat Ulysse ,

Sive illi laterum, seu fuit artis opus.

id est, sive laterum firmitas , sive ars & dexteritas quædam ad arcum intendendum requireretur. Plautino more dici etiam queat: *Monitorem nobis opus vel usus est*, præpositione *Ad* vel

Circa

Circa aut certè verbo *Esse* per ellipsin suppresso, quod tamen loquendi genus posteriores missum fecerunt. Sanctius quidem in Minerva negat Latinè dici, *Opus habeo monitore vel monitoris*. Sed Auctor noster cum falli demonstrat. Utitur enim illo Columella argentæ ætatis scriptor, & Græcorum imitatione satis phrasis illa defenditur. Utroque enim modo Græci dicunt, ἔργον ἔστι, *opus est*, & ἔργον ἔχω τῆτο, *hoc opus habeo*. Mitto, quod nec ipso Tullio indignum esse hoc loquendi genus hic ejus locus in 2. de lēgibus monere nos videtur: *Tamquam hoc operis habuerit, ut hanc nobis sedem officeret ad disputandum*. Hoc enim perinde est, acsi dixisset: *Tamquam facere nobis hanc sedem opus habuerit*. Certum præterea est, *Usum* & *Opus* promiscuè in eodem sensu dici. Virgil. *Nam nec erat coriis usus*, id est, nulla utilitas erat in coriis. Sallust. 1. histor. *Vinarij lanisque quorum præterea vulgus in dies usum habet*, id est, quorum vulgus quotidie opus habet, quibus quotidie utitur. Nihil ergo intercedit, quin bene latinè dictum putetur, tam *Opus*, quam *Usum habemus monitoris* aut *monitore*. Sed in *Neceſſe* longe alia est ratio: cum ea constructio nec regulis artis, nec consuetudini bene loquentium sit consentanea. Si enim *Neceſſe* accipias pro adverbio, ut vulgo solent, nullo genere minor erit dicti absurditas, quam si quis diceret: *Neceſſario habemus monitore*, ubi quid sit, quod habemus, intelligi non potest: sin autem quis concedat, Nomen adjectivum esse, quod vir ille doctus vel ex Calepino suo discere poterat, quem ab Auctore nostro nullo numero haberi ridiculè indignatur: non potest nomen ejus substantivum in eo subaudire, nisi id alicubi à locuplete aliquo latinitatis auctore expressum ostenderit. Ellipsis enim est figura Latinæ consuetudinis. Nisi quis ergo doceat, latinos consuevisse eo modo loqui, regulare non potest, quin quod nec regulis, nec consuetudini est consentaneum, solocismus censeatur. Itaque minime dubium est, quin & ille ὀλοικὸς ἀδύjudicandus sit, qui dixerit: *Multas arbores cadendum iri puto*: nam etsi hæc syntaxis ratione non destituitur, si ad ellipsin referatur, quasi esset: *Viam iri puto ad cadendum multas arbores*, quomodo auctor noster in hoc altero fieri docuit: *Multas arbores casum iri videtur*. Quo exemplo promiscuè

miscuè dici planum est, *Canes venatum ducere, & ad venatum, & ad venandum*, similiterque *Ivit oppugnatum urbem & ad oppugnandum urbem*: quia tamen nemo unquam sic locutus est, ut in participiis ejusmodi passivis præpositionem supprimere. Ipsum loquendi genus non minus consuetudini, quam regulis adversatur, eaque re solæcisini notam ducit: quod omnes diligenter ac sine vitio Latine scribere cupientes in primis meminisse Grosippus monet, ne syntaxi figurata freti, nova loquendi genera comminisci solum sibi esse liberumque perperam arbitrentur. Exempli gratia, Latine consuetudini congruit, ut dicatur: *Homini id atatis tantum onus imponere non audeo. Non te hominem id atatis mentiri pudet. Hoc noctis domo prodire non audeo.* In quibus *Ad tempus*, vel *Circa tempus* subauditur, velut ex aliis Plauti ac Ciceronis locis discimus. Similiter dici solet: *Venit id temporis, ut retinendus esset*, ubi *Negotium* supprimitur, ut *Negotium* vel *Res temporis* pro *Tempus* ponatur. Non tamen solæcisini crimen effugerit, si quis dicat cum Tacito, *Hominem id auctoritatis*, vel *id sapientia*, talia designare turpe est. Et si enim dicas *Id sapientia*, valeat *ejus sapientia*, rationem tamen locupletium scriptorum auctoritas deficit. Cæterum, quod doctissimus Alvarus vix credit futurum tempus in participiis passivis in *Dum* exeuntibus, & cum verbo substantivo positus significari, de eo ut subdubitem facit hic Cæsar's locus in i. belli civilis: *Misericordia civium, quos interficiendos videbat.* Nam hic verbum *Esse* supprimi satis planum est: neque ullus relinquitur dubitandi locus, quin *Interficiendos esse*, non sit aliud, quam *Interfectum iri*: quo quidem non *debitum officium*, aut *necessitatem*, quod perperam Alvarus sibi persuaserat, sed futurum tempus significari tam clarum est,

Quam Solis radij esse, olim cum sudum est, solent.

Vale literatæ nobilitatis decus, facque ut Milesiæ tuæ, quod expectare nos jubebas, tandem exeant, & ab omnibus lætari possint. Medioli. postrid. Kal. Jan. anni incuntis M. DC. XXIX.

Nobi-

Nobilissimo & Ornatissimo viro
ALBERICO SEPTALIO JURISC.
MARIANGELVS A FANO
BENEDICTI. S. D.

II.

SCis mirari multos ac negare satis intelligi posse, quod Grosippus in verbis passivis, cum præpositione *A* vel *Ab*, & subjecto Ablativo constructis, rem agentem significari neget. Satis quippe perspicue rem agentem apparere, si dicam: *Ego à te doceor*, cum sensus sit, *Tu me doces*. Verum iis, qui sic disputant, statim regerere licet, non minus verborum illorum hunc esse sensum, *Ego à te disco*, aut *de te fio doctior*: in quibus verbis rem agentem nec ab ullo verbo passivo, nec à præpositione significari planum est. Similiter cum dico, *Tu à me amaris*, non mea magis, quam tua exprimitur actio, cum exponere sic liceat, *Tu à me amorem habes*, *tu es mihi in amoribus*. Rectè proinde in Propædia Logica Grosippus monet, accuratè rationem habendam esse, quid formaliter & ex se, quid materialiter, & ex eventu seu per accidens, oratio significet. Hoc quippe fortuitum esse & accidentarium, quod verba hæc, *Tu à me amaris*, sic explicentur, *Ego te amo*, cum non minus alia ratione qui velit, ea explicare possit. Ex ipsa vero verborum vi hunc esse illorū sensum: *Tu ex parte mea amaris*, *hinc amaris*, ex ea scilicet parte aut loco, ubi ego sum. Voces enim quemcumq; locū significantes, pariter in *Loco rationis*, & in *Loco rei* usui esse, hoc est, tum in vero loco propriè dicto, tum in eo, quem per Analogiam pro loco mente concipimus. Jam voces *Vnde*, *Hinc*, *Inde*, *Nusquam*, *A*, *Ab*, *De*, *Ex*, propriè significant locum, à quo actio aut passio aliqua proficiscitur: per similitudinem vero Causas, Subjecta, Adjuncta, Totum, Partem, præcipueque Tempus, à quo quid cœpit. Hoc pluribus exemplis in eadem Propædia demonstratum nosti: quorum pauca tibi in memoriam reduci, minimè spero ingratum habebis. Si ergo dicam: *Vnde fuit Hannibal? Indidem*

unde & *Hafdrubal*, nimirum *Carthagine*, à *Carthagine*, de,
vel ex *Carthagine*. Vnde *exsulavit Ovidius*? *Roma* vel *Patria*,
ubi præpositio subauditur. Vnde *scripsit*? De *Ponto*, vel ex *Pon-*
to. In istis Locus propriè dictus: sed in iis, quæ subijciuntur, lo-
cus Imaginarius aut Tropicus significatur. Vnde *est tabella-*
rius? *A patre*, tamquam à loco, in quo est pater. Similiter
Missus est à patre, locum seu partem, non rem agentem, signi-
ficat, sicut in sacris: *Spiritus Sanctus*, quem *Christus misit à*
patre. Vnde *dabitur mihi viaticum*? *A me dabitur*, vel *Hinc*
dabitur, *A me dabo*. Livius: *Plures ab Romanis equites ceci-*
derunt, id est, à parte Romanorum, sicut *à Casare allata sunt*
littera, pro litteræ Cæsaris: sicut *Reus à Milone*, pro Milonis
reus: *Fulgor ab auro*, pro auri fulgor: *Servus à milite*, pro Mi-
litis servus: *Pars de mœnibus*, pro mœnium pars. Cic. *Dili-*
gentia à me expectatur, id est, alii hinc à me diligentiam expe-
ctant. Plaut. *Gutta à me auferri non potest*, id est, tu guttam
hinc à me auferre non potes. Idem: *Decet id abs te impetrari*,
hoc est, me inde à te id impetrare. Livius: *Ab Latinis res repeti-*
ta, non significat Latinos res repetiisse, sed Romanos inde à
Latinis. Verum quidem est, in passivis verbis nonnumquam
agentis rei significationem esse, sed id fit per Accidens, quo-
niam Causa agens, sive princeps, sive administra, aut instru-
mental, tamquam Locus, à quo motus principium est, con-
cipitur: ut, *A Scipione victus est Hannibal*. Sed id non minus
Activis verbis contingit: ut, *A Scipione cladem accepit Hanni-*
bal. *Ab Achille periit* vel *occidit Hector*. Inde nimirum, id est,
à parte vel loco Achillis, tamquam à causa efficiente, profe-
ctus est motus, nempe cædes aut casus. Sic in Ithyphallicis
habemus: *Membrum quaritis, unde procreamur*. Quomodo,
Hyginus in fabulis: *Gladius unde se Ajax interfecit*.

Ovid. *Pectora trajectus Lynceo Castor ab ense*.

Idem, *Nerve peregrinis tantum defendar ab armis*.

In quibus causa instrumentalis significatur, unde velut à Loco
effectus coëpit: quod ipsum similiter in materiæ signifi-
catione usuenit. Vnde *casa ista est composita*? *Luto* vel de *luto*, ex
Luto. Curtius lib. 8. *Terra lini ferax, inde plerisque sunt vestes*.
Sic, *Vnde crevit Roma*? *Alba ruinis*, seu de ruinis, aut ex ruinis.
Totum quoque ut locus concipitur in isto: *Hic inde est*; de
illo

istlo grege, de illis vel ex illis: Duo fratri meo sunt filii: inde majorem adoptavi mihi. Versus de Phanissis sive ex tota Comœdiâ Phanissarum. Nihil de sacro, nihil ex publico attigi, id est, nullam partem ex toto sacro aut publico. De die convivii facere, id est, inde à parte totius diurni temporis. Non mihi partem istinc posco de isto vidulo, pro partem totius viduli. Subjectum similiter: ut, Unde emisisti hos captivos? Emi de prada, de quastoribus. Ubi prius De Totum, posterius Subjectum notat, cum servi sint adjunctum domini. Quasi de illo, pro ex illo, tamquam notitiæ subjecto. De Tempore notius est, quam cui verba debeant impendi: quis enim nescit, Iude, Hinc, Dehinc & Deinde Tempus, à quo motus principium habet, significare? In quem modum Voces quoque Locum, in quo quid est, significantes, ad Temporis notationem transferuntur, ut Vbi valeat Cum, Hic & Ibi verò Tum. Plaut. Vbi voles pater esse, ibi esto, pro quando Voles, tum esto: sic, Erit ubi vos ulciscar locus, pro tempus cum ulciscar. Non est nunc narrandi locus, pro tempus quo narretur. Sed longum nimis sit omnia, quæ Propædix Logica & Rhetorica suppeditant, hoc loco iterare. Illuc ergo revertor, unde abieram. Ego à te doceor, formaliter non est idem, quod tu me doces, sed ego istinc, sive à tua parte doctrinam capio, seu doctior fio: nam & præpositioni De locus est, ut Plaut. Alios de te fieri doctiores, id est, de te discere. Idem Pseud. Aufereturne id pramium à me, quod promisi per jocum? SI. De improbis viris auferri pramium & pradam decet. Ubi videmus, Auferetur à me, non esse aliud, quam Auferetur de me. Pari modo tu à me amaris, formaliter non rem agentem, sed partem sive locum significet, ac si esset: Tu hinc à me amorem habes, vel ex mea parte amaris, quomodo Catullus nos interpretari docet his versibus:

*Nulla potest mulier tantum se dicere amatam
Vere, quantum à me Lesbia amata mea es,
Nulla fides ullo fuit umquam in fœdere tanta,
Quanta in amore tuo ex parte reperta mea est.*

Similiter quod est apud Terent. Phorm. Non potest satis pro merito ab illo tibi referri gratia: id valere ex parte illius, hæc nos Cæsar's verba docent lib. i. belli civil. Pauci apud loc-

cutus, quod sibi à parte eorum gratia relata non sit pro suis in eos maximis beneficijs, dimittit omnes incolantes.

Jam nec illud satis probatur multis, quod de adverbiiis motum ex loco significantibus Grosippi ejusdem tradit Grammatica, *Iohannem de Austria*, perinde atque *Ab Austria* rectè Latine dici, suppresso nomine *Ortus*, vel *Orsundus*, vel *natus*, ut idem sit, quod *Iohannes homo Austrius* vel *Austriacus*. Sed quàm illi in Latinis auctoribus hospites sint, nihil negotij sit magno testimoniorum cumulo demonstrare, ex quibus glanum sit veteres significando motui ex loco Ablativis, cum præpositionum aliqua, ut *A*, *Ex*, *De*, sive expressa, sive suppressa, uti consuevisse. Virgil. *Pastor ab Amphryso*, pro *Amphrysius*. Livius: *Turnus Herdonius ab Aricia*, pro *Ancinus*. Cicer. *Homo obscuro loco*. Plaut. *Adolescens de summo loco*. Hygin. *Theseus ab Athenis*, pro *Atheniensis*. *Amphidamus de Arcadia*, pro *Arcas*. Iterum Cic. *De Gyaro scripsi*, pro ex *Gyaro*. Et Plaut. *Trucul. Tres adolescentes, Rure unus, alter urbe, peregrè tertius*. Terent. *Mercenarium à villa vidi*. Similia horum passim sunt obvia. Illud tamen insolentius non nemini videtur, quod *Paradoxa* literaria pag. 61. in Plauto reponendum docuerunt: *Non sum Animula*, pro non sum ab *Animula* *Apulix* oppido. Sed neque hujus generis non plurima leguntur. Cæsar lib. 1. civil. *Reducitur ad eum deprehensus ex itinere Cn. Magius Cremona præfectus fabrum Pompei*, pro *Magius Cremonensis*, ens à *Cremona*, vel de *Cremona* ortus. Sic lib. 3. civil. *Cæsar desideravit C. Fulginatæ Placentia, Agravium Puteolis*, pro *Placentinum & Puteolanum*. Plaut. Merc. *Video hospitem Zacyntho*, pro *Zacynthium*, à *Zacyntho*. Et Asin. *Periphanes Rhodo, mercator dives*, pro à *Rhodo*, *Rhodium*. Propert. lib. 4. *Erat Crotalistræ Philis*, pro à *Philis*, urbe & insula *Nili*. Ibid. *Tibia Mygdoniis libet eburna Cadis*, pro à *Cadis* urbe *Mygdoniæ*: etsi in veteribus membranarum non *Cadis*, sed *Modis* legi in Grosippi codice annotatum vidi, quod & rectius puto. Atque hinc opinor intelligis nihil à Latine loquentium consuetudine abhorrere, si quis te *Albericum Septala*, aut de vel à *Septala*, vel *Septalium* compelleret: quomodo me quoque *Mariangelum* à, vel de *Fano Benedicti* profiteri soleo, quod castellum *Novocomensis* agri, ubi

D. Benedicto sanum fuerat constitutum , ex quo & vulgo
S. *Benedetto* vocatur (velut monumenta vetera fidem faciunt)
majorum meorum juris fuerit. Sed quidni ego ex penitis fau-
cibus despuo *Fuerit* , verbum nihili , cui lumbos defractus
velim ?

Omne ego pro nihilo esse duco, quod fuit, quando fuit.

*Tamquam hominem quando animam efflaris, quid eum
queras, qui fuit.*

Tu me, nobilissime juvenis, quod facis, ama & Vale.

V. C L A R I S S.

PAULO JOSEPHO MERONO

THEOLOGO ET PHILOLOGO

Præstantissimo.

M A R I A N G E L V S A F A N O
B E N E D I C T I . S . D .

III.

Secutus tuum, clarissime, consilium, quod nuper Ro-
mam discedens mihi dederas, Pascasij Grosippi ad Logi-
cas, & Rhetoricas Acroases Propædiam diligenter legi, ejus-
que facti hoc nunc fero pretium, ut & Latinæ syntaxis funda-
menta penitus perspiciam, & in bonorum auctorum lectio-
ne minore negotio procedam. Nec dubito ubi processu æta-
tis ad Philosophiæ aliarumque disciplinarum studium appu-
lero animum, quin præsentis ejusdem Propædiæ utilitates
magis experiar, quod ut tantus Theologus ac Philosophus
mihi futurum haud dubitanter confirmabas. Confido me rem
tibi minimè ingrata facturum, si nonnullum ejus, quod
dixi, specimen tibi exhibeam. In ipso ergo velut aditu Pro-
pædiæ Logicæ, ubi de Terminis seu Vocibus agitur, Termi-
num simplicem esse didici unicum vocabulum plurium vim
habens, sicut *Nemo* valet hæc duo *Nullus homo*: & hujus ge-
neris esse pleraque nomina Adjectiva cum Genitivo casu po-
sita,

fita, & omnia adjectiva neutra sine substantivo posita. Itaque
 minime jam obscura mihi videtur constructionis ratio in iis
 loquendi generibus, ubi Genitivus, quem Philosophica
 Grammatica pariter apud Græcos & Latinos perpetuò à no-
 mine Substantivo, aut à Præpositionum aliqua regi conten-
 dit, ab Adjectivo pendentis speciem habet. Verbi gratia, *De-*
manet est *amans uxoris*. Hic *Amans* nomen est adjectivum,
 in quo substantivum subaudiri necesse est, cum ratio postulet,
 ut uno Relatorum posito simul & alterum ponatur, *Amans*
 igitur est *Homo amans*: quæ duæ voces vim habent nominis
 Substantivi, quod est *Amator*. Plaut. Pæn. *Sicceine oportet ho-*
mini amanti operam dare? Et Pseud. *Ne me perdas hominem*
amantem. Ita planum fit, genitivum *Vxoris* à Substantivo re-
 gi. Sic *Parmeno est domini similis*. In Adjectivo *Similis* sub-
 stantivum *Homo* subauditur. Duæ vero voces *Homo similis*
 unius substantivi nominis vim habent, unde genitivus *Domi-*
ni regitur, quasi esset *Assimilator domini*: quæ ipsa in multis
 aliis est ratio: ut, *Par, aequalis, servus, socius, maritus, propin-*
quus, vicinus, fidus, amicus, proprius, alienus, superstes, con-
sciens, contrarius, &c. neque refert, quod sæpe nullo Substan-
 tivo nomine res per Adjectivum significata exprimi potest,
 eam rerum numerum verbis minime exquiri libenter om-
 nes philosophi assentiant. Itaque cum legimus *Corpus patiens*
inedia, satis est nos intelligere in adjectivo substantivum ali-
 quod suppressum esse, duabusque vocibus unam rem signifi-
 cari, ac si foret, *Passor seu Tolerator Inedia*. Sic *Memor virtu-*
tis, pro *Homo memor* valet *Recordator*, *Liberalis pecunia* est
Largitor. In Adjectivis porro neutris plerumque *Negotium*,
Opus aut *Factum*. Transcendentes voces subaudiri satis jam
 Grammatica Philosophica demonstratum vidisti: quod genus
 sunt ista, *Triste lupus est stabulis*, *Tantum fidei*, *Multum diei*,
Parum argenti, *Hoc literarum*, *Id hominis*, *Id loci*, *Quid cau-*
sa, *Quid mulieris uxorem habes*. Est autem *Negotium mulieris*
 idem quod *mulier*, sicut *Res cibi* est *Cibus*. Plaut. Stich. act. 1.
 sc. 1. *Virorum absentum negotijs sollicita sumus*, pro de viris ab-
 sentibus. Cicero 2. ad Quinctum Frat. epist. 12. *Callisthenem*,
 & ad Philistum redeo, in quibus te video volutatum. *Callisthe-*
nis quidem vulgare, & *notum negotium*, quemadmodum Gra-
 ci ali-

ei aliquot locuti sunt. Siemlus ille, capitalis, creber, acutus, brevis, ubi Negotium Callisthenis ponitur pro Callisthenes, cujus dictio significatur esse vulgaris, cui multi Græcorum sint similes, cum aliter sit in Philisto. Sic Res hominum & Deorum, pro homines & Deos dixit Virgilius: O qui res hominumque Deumque Æternis regis imperijs, & fulmine terres. pro quo Horatius: Divosque mortalesque turmas Imperio regit unus aquo. Ovidius Omnia hominum negotia similiter, sed per ellipsin, pro omnes homines dixit: Omnia sunt hominum tenui pendencia filo.

Post atque haud multo, ubi de Suppositione præcipitur, Reduplicativam, seu Restrictivam suppositionem in Scholis Logicis vulgo perhiberi invenio, quæ vocem aliquam particula restrictiva seu limitante determinat, ac velut coercet, & ad certam totius partem adstringit. Ejus generis particulas esse *Qua*, pro *A* vel *ex qua parte*, *Quatenus* pro *Qua* fine tenus, *In quantum*, *secundum*, *Ratione*, *Respectu*, ut: *Animal sentit, qua animal est*, *Homo quatenus homo ridet*, *Christus est filius David secundum carnem*, vel *respectu* aut *ratione carnis*. Sed etiam præpositionibus *Ad*, *A* & *Ab* expressis, aut suppressis hujusmodi restrictionem solere significari, ut apud Sallustium: *modestus ad dominationem*, & *Sanctus alia*, pro *Quod* ad dominationem, quod ad alia attinet. Virgil. *Omnia Mercurio similis*, pro ad omnia. Idem. *Faciemque simillima lauro*, pro ad faciem.

Horat. *Nec servis animum mitior anguib.*

Pro ad animum, ab animo vel animo. Plaut. *Ab ingenio improbus vel senex*, *Ab armis valeo ut lupus*, *clunes infractos gero*. *A pecunia haud perbene valeo*. Cicero. *Inops ab amicis*. *Ab equitatu firmus*, *ab exercitu instructus*, *à militibus* & *à pecunia imparatus*. Interdum *Quod* ad vel *Quantum* ad Latini dicunt eodem sensu, verbum *Attinet* per ellipsin suppressentes. Livius lib. 8. *Orium inde quantum à Volscis fuit*, id est, quantum attinet à Volscis sive ad Volscos. Ovid.

*Quantum ad te Theseu, volucres Ariadna marinas
Pavit in ignoto sola relicta loco.*

Barbari porro ex *Quod* ad fecerunt *Quoad*, ut dicant, *Homo mortalis est quoad corpus*, non *quoad animum*. atque iste

solacismus duobus Varronis locis indoctorum. librariorum opera infedit lib. 7. de ling. lat. *Hac sigillatim triplicia esse debent, quo ad sexum, multitudinem, casum.* Et 1. rei rust. 9. *Quoad culturam refert: utrum terra sit macra, an pinguis.*

Jam quo loco de Forma sermo est, monet eadem Propædia solere Latinos Formam per Accusativum & Ablativum expressum aut suppressum, itemque Præpositione *Per, In, Ex* aut *Cum* similiter, vel expressa vel suppressa significare. Dicunt videlicet *Lætus lætitia*, & *Iratus iracundia*, & *Falsus falsimonia*, & *Honestus honore*. Plaut. Pseud. *Vt mea latus lætitia fiet.* Et Curc. act. 4. sc. 3. *Non ego mediocri incedo iratus iracundia.* Et Bacch. *Multi quos censeas esse amicos, reperiuntur falsi falsimonijs.* Capt. *Honore honestiorem me semper facit;* in quibus Præpositionem *Ex*, à qua regatur Ablativus, subintelligimus. Sed non minus Accusativo eandem ad rem usos suspicari libet, ut *Latus Lætitiam* dicerent, sicut in Plauto sunt *Ædes clare clarorem merum*, pro quo & *clarore mero* dici poterat. In verbis quidem videmus eos Atticorum more cognato accusativo, vel Ablativo Formam actionis significare solitos. Dicunt enim *Vivere vitam* & *vita*, *Servire servitutem* & *servitute*, *Currit cursum celerem* & *cursu celeri*, *Ire iter* & *itinere*, *Ludere ludum* & *ludo*, *Gaudere gaudium* & *gaudio*, *Lætari lætitiam* & *lætitia*, *Precari aliquem preces*, *precibus*, *per precem* & *cum prece* (ut Livius lib. 9. *Legati missi ad pacem cum precibus petendam*) *Pugnare pugnam* & *pugna*, *Saltare saltationem* & *saltatione*, *Dolere dolorem* & *dolore*, *Ridere risum* & *risu*. In quibus omnibus casus Formam significantes sunt expressi, nam *lætitia* est forma læti, *ira* irati, *Vita* viventis, *Cursum* currentis, &c. In aliis casus per ellipsin supprimitur, ut *Pabuli latus ager*. Subauditur enim substantivum *Lætitia*, à quo Genitivus regitur. Sic *Integer vita*, subaudi Integritate, *Purus sceleris puritate*, *Peritus juris petitia*, *Potens sui potestate*, *Cupidus vini cupiditate*, *Miser animi miseria*, *Avidus cibi aviditate*, *Memor tui memoria* (quomodo memoria memini & memoria oblitus. Plaut. Capt. act. 2. sc. 3. *Istuc ne dracipias, facile memoria memini tamen.* Trin. act. 4. sc. 3. *Tribus ne poteris te memoria oblitum.*) *Similis alicujus similitudine*, *Cumulatus scelerum cumulo*, *Satur rerum saturitate*, *Onustus auri onere*, *Orbus*

Orbis auxiliij orbitate, *Plenus vini* copia, quod idem valet ac plenitudine, *Refertus nugarum* copia, *Abundans lactis* abundantia. Hinc porro minimè magni negotij est, Syntaxeos rationem expedire in plerisque verbis cum Genitivo constructis, si omnem genitivum a nomine substantivo regi meminimus, tum omne verbum activum accusativo formam significante sive expresso, sive suppresso conjunctum esse. *Ango me animi* vel *Angor animi*. Subaudire licet *angorem*. *Excruciare se animi* cruciatum, *Fallit me animi* falsimonia sive error. *Desipere mentis* insipientiam, *Fastidire alicujus* fastidium, *Potiri hostium* potestatem, *Misereor tui* miseriam, *misereor me tui* miseria, *Pudet me facti* pudor, *Piget me laboris* pigritia seu pigritia, *Tadet me illius* tedium, *Panitet dicti* pœna. *Agere furti* actionem, *Admonere periculi* monitum, *Non fallabar sermonis* falsimonia vel errorem, *Meminisse alicujus* memoriam, *Studere alicuius* studium, *Invidere alicui rei alicujus* invidiam, sicut Horatius--- *nec illi Sepositi ciceris, nec longa invidit arvena*, & Græci φθονῶ σοι ἐντροχίας subaudi φθόνου. nam & Græcæ Syntaxis regulæ ad hunc modum corrigendæ sunt. Simul tamen verum est, quod Grosippus in Propædia de Causa præcipiens monet, Causam sive suo vocabulo expressam, sive *Gratia*, *Nomine*, *Ergo*, *Opere*, *Facto*, *Merito*, aut aliis vocibus significatam, alias disertim poni, alias per ellipsin reticeri, indeque Genitivum regi: ejusque ellipsicos conjecturam ex eo duci, si Genitivus per Accusativum aut Ablativum cum præpositionibus *Ob*, *In*, *Ad*, *Ab*, *De*, *Ex*, causæ significationem habentibus, iisque vel expressis, vel subauditis explicari possit, ut *lator & latus laborum*. Subauditur *Causa* vel *Ergo* vel *Gratia*, cum eodem sensu dicere liceat *laboribus*, *ex laboribus*, *ob labores*. *Indoluit successorum Minervæ*, subaudi *Causa*, quia est *ob successa*, *successis* aut *ex successis*, *Bona* scilicet *Minervæ successa* dolorem efficiunt.

Notat autem Grosippus noster idem ipsum in voce *Causa* apud Latinos, quod apud Græcos in Adverbio seu Præpositione *ἐνεκα* usvenire, ut videlicet cum verbis & nominibus sive expressa, sive suppressa Genitivum regat, & alias vim Præpositionis *Propter* habeat, alias restrictionem vel certam partem significet, ac si esset *Ad*, *A*, *Quantum ad*, seu

barbarè Quoad. Tamquam si dicam: *Hoc unum bene fecit; etsi aliarum rerum est improbus.* Subauditur *Causa*; quod nonnumquam Cicero exprimit. Utrovis autem modo explicari potest, sive *Propter res*, sive *Quantum ad alia res attinet.* quibus duplex sensus similiter erit, si præpositione *A*, causam significante, utamur hoc modo: *Ab aliis rebus, est improbus*, vel per ellipsin, *Aliis rebus*, quæ loquendi genera passim sunt obvia. Ita plana est Syntaxeos ratio in istis: *Sanus mentis & animi, sanus animo & ab animo, & sanus animus*: *Falsus animi, miser animi, suspensus animi.* *Vacuus rerum & rebus, Nudus opum & opibus, Terra ferax uvarum & uvis, Notus ingenii, ab ingenio & ingenio, Dignus laudis, ad laudem & laude, Cassus luminis & lumine.* Nimirum Ablativi à præpositione Causam vel Partem significante, Genitivi à nominibus *Causa, Gratia, Ergo* (id est, *Opere vel Facto*) *Nomine*, aut *merito* reguntur. Causa vero significat omne id, quo vel præsentē, vel absente & permittente, seu non impediēte, quid fieri videtur, quam *Causam Insipientem & Otiosam* Grosippus vocat, ut in hoc Plauti: *Mea causa saluus sis licet*, pro quo idem alias, *Per me saluus sis licet*, id est, quod ad me attinet, non impedio quin sis saluus. Quoniam vero vox *Causa* etiam rem significat, quæ in disceptationem venit, eo fit, ut in verbis judicialibus subaudiatur, ac suppressa Genitivum regat, ut *Accusare furti*, nempe Causa, ob furtum, de fuito, *Insimulare cadis & de cade, Postulare maiestatis & de Maiestate, Liberare aliquem culpa, culpa, à culpa, Absolvere sceleris, scelere, de scelere, Adstringere vel Alligare se furti & furto, Damnatus voti, & voto, seu de voto, Condemnare sacrilegij & de sacrilegio, Perdere aliquem capitis*: ubi *Causa* vel *Crimine Capitis* est, causa vel Crimine Capitali. Ergo meministi monere Grosippum, esse ablativum à Græco ἑρῶν, idemque valere, quod Opere sive Facto, ut *Amoris ergo* sit Facto sive Causa Amoris, quod Amor fecit, sive cuius causa fuit. Ita Plaut. Bacchid. *Metuo ne Phoenix factis tuis fiam*, id est, tui causa, propter te. Et Mereat *Tu quemvis confidentem facile tuus factis facis.* nam *Facere* significat Causam esse, ut apud eundem in Bacchid.

Ad mihi haud utrum velim licere intelligo :

Ita bellus hospes fecit Archidemides.

Ita feci ut auri quantum vellet sumeret.

De Nomine pro Causa satis multa in Paradoxis Literariis dicta puto. Ciceronis tamen locum non possum, quin recitem ex Vatiniāna : *Ut tu me carum esse dixisti populo non tam causa mea , quam Reip. sic ego te dico esse odio civitati non tam tuo , quam reip. nomine.* Ejusdem est , *Damnatus nomine conjurationis* , ubi *Nomine* per ellipsin omitti poterat , sicut etiam in isto : *Me tibi nomine negligentia suspectum esse doleo.* Rectè enim dicitur *suspectus negligentia* , *negligentia* , *de negligentia* , *super negligentia* , & *in negligentia*. Præcipuè tamen *Nomen* id videtur significare Causæ genus , quod non tamen rei causa est , quam esse præfertur. Virgil. *Conjugium vocat : hoc prætexit nomine culpam*, id est , suum cum hospice concubitum excusat prætexto conjugii nomine. *Nomen* ergo conjugii non tam causa est , quam prætextus consuetudinis Æneæ cum Didonæ. Postea ad significandum quodvis causæ genus usui esse cæpit, quomodo & *Gratia*, cui scilicet res effecta refertur accepta. Pacuvius : *Quem fama gratia ante omnes nobilitat viros*, id est , qui propter famam seu famæ ergo est nobilissimus. pro quo & *Fama merito* dicere paterat, ut Ovid. in Sapphus epistola : *Et forma meritis tu mihi Phæbus eris*, id est , formæ causa , seu propter formam , sive ut Plautus amat dicere *Virtute forma*. Sed quid ago ? quin manum tollo de tabula , nisi patientia tua abusum merito me existimari nihil pensi habeam. Vale virorum optime , mihiq; virtutis ac doctrinæ tuæ admiratori favere perge. Mediolano Kal. Martias anno 1629.

AUGUSTINO MASCARDO
VIRO CLARISSIMO

MARIANGELUS A FANO
BENEDICTI S.D.

IV.

Quo tempore ingenii tui monumenta, penes Grosippum vidi, ex eo cum admirati te & colere cœpi, tum mei erga te affectus tibi declarandi occasionem mihi evenire magnoperè concupivi. Nunc ipsum ergo prelo subjecturus, quæ ille nuper de quodam loquendi genere subtiliter disseruit, minime ingratum tibi facturus videor, si ejus disputationis Judicem te capiam, quem ipse Grosippus elegantissimè Latinè scribere agnoscit, nec temere quemquam hac ætate sive soluta, sive numeris adstricta oratione te priorem inveniri censet. Tu, Vir præstantissime, quod à me fit, boni pro humanitate tua consules, meque mutua tua benevolentia dignum arbitraberis. Vale.

De ratione Syntaxeos in illo,
Petendum est pacem.

Ex Pascasii Grosippi Adversariis.

Omne accusativum à Præpositione, aut à verbo activo regi certum est. Hic nulla est præpositio expressa aut subaudienda, à qua accusativus *Pacem* regatur. Necesse est ergo regi à verbo activo sive expresso, sive suppresso. Hic porro nullum verbum activum exprimitur. Itaque suppressum sit ac subaudiri debeat, necessum est. quod autem illud sit verbum, hinc potest intelligi. Omne verbum finitum habet pro supposito nominativum expressum aut suppressum, cumque vel *φωνή* voce, vel *δυνάμει* potestate aut virtute, sive ut Scholastice loquar, vel formalem aut actuale, vel virtua-

lem

Iem aut potentialem. Nominativus virtualis est verbum Infinitum nominis loco positum. Talis hoc loco subauditus est *Petere pacem*. quod idem est ac *Petitus* vel *Petitio pacis*, pro quo fingamus licet vocem *Petimen* vel *Petimentum*. sic plana exhibit constructio, sive dicas *Petitus pacis est petendus*, sive *Petitio pacis est petenda*, seu denique *Petere pacem* aut *Petimentum pacis est petendum*. non aliter quam *Petere pacem est necessarium*. ubi *Petere* manifestè vim Nominativi habet. quo autem modo verbum infinitum sive Infinitivi modi loco nominis substantivi positum regat accusativum, Grammaticæ pag. 36. & Parad. pag. 7. & 8. exposui. Sed ne insolentior videatur cognati nominis aut verbi infiniti repetitio, audiat *Priscianus*, cujus lib. 18. verba sunt.

Si quis hæc impersonalia velit inspicere penitus, ad ipsas res verborum referuntur, & sunt tertiæ personæ, etiamsi prima & secunda deficient: unde Participia inveniuntur, *Curritur cursus*, & *Decurso spatium*. Et mox: Possunt habere intellectum nominativum ipsius rei, quæ in verbo intelligitur. nam cum dico *Curritur*, *Cursus* intelligitur, & *Sedetur* sessio, & *Ambulatur* ambulatio: sic & similia: quæ res in omnibus verbis etiam absolutis necesse est, ut intelligatur, ut *Vivo vitam*, & *Ambulo ambulationem*, & *Sedeo sessionem*, & *Curro cursum*.

Nimirum omne verbum activum aut formalem, aut materiale accusativum regit. *Formalis* est, qui non potest in verbo non intelligi, cum res ipsa verbo significata habeat ab illo essentiam seu naturam suam, ut sit scilicet quod est. Ita *Gaudium* est formale gaudentis, *Risus* ridentis, *Insania* insanientis, *Error* errantis. Tales ergo accusativi perpetuo intelliguntur in verbis sine accusativo positis, ut *Gaudet*, *Ridet*, *Insanit*, *Errat*. Exprimuntur autem, quoties modus agendi significatur, ut *Gaudet gaudium immodicum*, *Ridet risum ineptum*, *Insanit insaniam solemnem*, *Errat errorem turpissimum*. quorum significatio est. *Gaudet immodicè*, *Ridet ineptè*, *Insanit solemniter*, *Errat turpissime*, *Materialis* accusativus est, quo objectum denotatur, seu Materia, circa quam actio occupatur, ut *Rogo te*, *Precor te*, *Rideo te*, *Eo viam*, *Peto pacem*. Utriusque porro accusativi, hoc est, tam formalis, interni & cognati,

quam materialis , externi & alieni vim ac potestatem habet
 verbum infinitivum nominis loco positum : nam *Incipit insa-*
nire valet, Incipit insaniam: pariterque *Insanit insanire* est in-
sanit insaniam. *Desiste petere*, pro petitionem. *Disce silere* pro

silentium. *Noli errare*, pro Errorem. Plaut. Bacc. *Hic vereri*
perdidit, pro Verecundiam. Horatius: *Reddes dulce loqui, red-*
des ridere decorum, pro reddes dulcem locutionem, & decen-

tem risum. Similiter formali accusativo recte dixerimus: *Ri-*
det ridere decorum , *Ludit ludere insolens*, pro *Ludum insolent-*
tem , quomodo alibi Horatius loquitur. Sic certè *Properat*
properare citissimum pro cito properat, Plauti imitatione di-

citur, cujus verba sunt Aul. act. 2. sc. 2. *Nunc domum properare*
propere. Idem Pseud. act. 5. sc. 1. *Pergitisne pergere?* pro perre-

ctionem , quidni ergo de candidato consulatum petente re-

cte dixerō? *Petit petere minime ambitiosum* , pro petitionem
 minime ambitiosam, sive *Petere ejus, quod petit, minime am-*
bitiosum est. In Hebraico quidem consuetudo fert, ut dicatur
Ambulat ambulare, pro ambulationem, *Morieris mori* , pro

mortem, *Venire veniet*, pro adventum , *Expectavi expectare*,
 pro expectationem. Pariter apud Græcos legimus dictum
 ἄβιτ ἀβίρ, *Abijt autem abire* pro abitionem, ἔφη φάρα, *Dixit*
dicere , pro dictum. Sed & Germani mei eodem modo *Ich*
wil gehen gehen, Ibo ire, pro ibo itum sive itionem , nec dissi-

militer Cicero 1. Acad. *Confestim ad eum ire perreximus.* Et
 in Arato: *Post hanc ore ferro Capricornus vadere pergit.* Et Vir-

gil. *Observans, qua signa ferant, quo tendere pergant.* Et Te-

rent. *Domum ire pergam.* In his omnibus accusativi formalis
 loco verbum Infinitum ponitur, nam *Pergere, ire, tendere, va-*
dere sunt synonyma, ut sensu nihil differant, *Perrexit pergere*,
perrexit ire, perrexit vadere, perrexit eo tendere. quo pacto

etiam in hoc Terentij formalis accusativus à verbo regitur:
Color ejus signum pudoris indicat. Nam *Signum* ponitur pro

Indicium, eoque Forma verbi *Indicat* , non objectum expri-

mitur. Sic *Sentire*, hoc est Audire *auditum*. Lucret. lib. 3. di-

xit: *neque aures Auditam per se possunt sentire, nec esse* , quo

etiam libro *Moveri motum* legimus: *Primordia conclusa mo-*
ventur sensiferos motus , quos extra corpus in auras Æris haud

possunt post mortem ejecta moveri. Raro autem usuevit, ut i-

dem

dem verbum simul formalem & materialem accusativum regat: cuius rei exempla sunt apud Catonem de re rustica: *Iane pater te bonas preces precor, ut sis mihi volens propitius*. Ubi in *Precor te* est accusativus externus, alienus & materialis, sive objectivus. In *precor preces*, est internus, cognatus & formalis, qui semper in verbo *Precor* intelligitur, etsi numquam exprimitur. Hoc autem loco visus est exprimendus, quoniam diversa sunt precum genera. Sunt enim *Preces bonæ*, quibus bona à diis petuntur; sunt *Mala*, quibus mala alicui imprecamur, quæ & *Dire* & *Thyestææ preces* vocantur ab Horatio. Solent autem Latini Materialem accusativum in Dativum convertere, quoties verbum activum, formalem sive expressum, sive suppressum regit. Verbi gratia, apud Virgil. *Optime Grajugenum, cui me fortuna precari Voluit*. Subaudimus accusativum formalem *Preces*, quomodo *Servire alicui*, subaudito interno accusativo *Servitutem*, aliter dicimus *Servire aliquem*. Turpil. *Qua mulier velit sibi suum amicum esse diuturnum, modice atque parce eius serviat cupidines*. Senec. *Assuescamus paucioribus servis serviri*. Plaut. *Matrona est unum inservire amantem*. Sic in *Nocere alicui*, subauditur *Noxam* vel *Nocumentum*, cum aliter non male dicatur: *Nocere aliquem*. Plaut. *Iuro me nociturum esse neminem*. Sic in *Invidere alicui* deest *Invidiam*, cum alioquin rectum sit *Invidere aliquem*. Ita in *Adulari alicui*, deest *Adulationem*, aliter enim *adulari aliquem* rectius dicitur. Nec aliter *Impedire alicui* dicitur subaudito *Impedimentum*. Varro 9. de ling. lat. *In vestimentis & adificijs novitati non impedit vetus consuetudo*. Sic *Misereri alicui*, subaudi *Miserationem*. Hyginus fabul. 58. *Cui Venus miserta est*. Quintilianus pater Declamat. 272. *An matrem accusari æquum est, cui misereri satis non possumus?* nec tamen dissimulare possum, rectius videri, ut *Miseret me illius*, sit *Misericordia illius*, aut *Miseria illius* miserum me facit, id est, me cruciat, ut animi, vel ab animo miser sim, & *Misereor illius*, sit *Miser fio illius miseria*: cui consequens est, ut *Misereor tibi* valeat, *Tua causa miser fio*, sive animi discrucior, sicut *Gratulor tibi*, *Gaudeo tibi*, *Rideo tibi*. Nec dubito, quin ut *Curare alicui*, frequenter veteres dixerunt, subaudito *Curam*, similiter *Amare alicui* dixerint, ut *Amorem* sup-

primerent, cum *Amator alicui*, pro *alicujus* in Plauti Milite extremo legamus. Etiam *Basfare* dativum adsciscit, ubi formalis ejus accusativus exprimitur, ut sit *Basfare alicui basia*, quæ ipsa multorum aliorum est ratio, quæ enumerare longum sit.

Jam nec illud non satis exploratum est, quodcumque Nomen sit verbi activi appositum, idem esse passivi, cum verbi, tum participii suppositum, ut *Amo pecuniam*, *Amatur pecunia*, *Amata est pecunia*, *Amata est pecunia*. Itaque cum *Cursus* vel *Currere* sit appositum verbi *Currit*: recte dicitur: *Cursus curritur*, vel *Currere curritur*. Eadem est ratio in istis: *Propero properare*, *Properare properatur*, *Properare properatum est*, & *properandum est*. *Pergam pergere*, *Pergere pergitur*, *Pergere perrectum est*, & *pergendum est*. *Precor precari*, id est, preces. *Precari precandum est*. *Servit servire*, *Servire serviendum est*. *Petit petere*, *Petere petendum est*. Cic. de Senect. *Quam viam nobis ingrediendum sit*: subaudi *Ingrēdi*. Si ergo dicam, *Ne malè audiamus verendum est*, Subaudis *Vereri*. Ita *Pergendum est nobis hanc viam*, subaudimus *Pergere*. *Insaniendum est cum furentibus*. Supple *insanire*, sicut *Insanire cum furiosis necessarium est*, *Triste insanire hilariter est periculosius*, *Ridere decorum senectuti non contingit*. Ergo in *Ridendum est*: subaudimus *Ridere*, sicut *Bibere* in *Nunc est bibendum*. *Tibi judicandum est rectene fecerim*, supple *Judicare* seu *Judicium*, quomodo poeta apud Cic. 1. *Divin.* *Paris judicavit judicium inclutum inter tres Deas*. Ita *Tibi ad illum eundum est*, subaudi *Ire*, quod valet *Itus* sive *Itio* aut *Iter*, ut apud Horat. *Ire tamen restat*, *Numa quo devenit* & *Ancus*. Ita *Non est invidendum virtuti gloriam* subaudi *Invidere*: quomodo *Invidere virtuti iniquum est*. Horum similia afferti possent longe plurima, sed merito vereor, ne vel istis nonnullam periergias aut supervacuae operositatis notam duxerim. Hoc tantum dictis appingendum videtur, leporis Attici genus à Grammaticis censerī, ut verba cum cognatis accusativis construantur, tamquam *manian mainei*, insanit insaniam, vel furit furorem, *phygen pheugei* fugit fugam, *Leron Leries* nugas nugaris, *mochthon mochtthei*, Laborem laborat, *archeim wrchen despoticen*, imperare imperium herile. *machomai machen*,

chen, pugno pugnam, *pheressthai phoran*, ferri lationem seu moveri motum, *tolmesai mega tolmema*, magnum ausum audere, *hybrin hybrizeis*, quod latini redderent, *Injurie es injurius*, pro quo Barbari *Injuste injurias*, id est, contumeliam facis. Cæterum quod interesse Lucianus putat inter *hybrizo se* & *hybrizo eis se*, in eo tota errat via perinde ac vulgus Grammaticorum Ellipsin non animadvertentium. nam in *hybrizo se*, id est, *contumelia te afficio*, regularis est Syntaxis verbi activi cum accusativo materiali: in *hybrizo eis se*, id est, *sum in te contumeliosus*, figurata est Syntaxis, in qua formalis accusativus *hybrin*, per ellipsin reticetur, prorsus sicut in *Adulari alicui* contingere monui, quod Quintilianus tantus magister, quæ ratione dictum foret, minime perspiciebat, culpis annumerare, atque inter Latinitatis à Ciceronis ætate jam degenerantis exempla recensere ausus est, quæ de re Paradoxon nostrorum quarta epistola plura qui volet invenerit.

Nobili & cultissimi ingenii Viro
 FRANCISCO ELLIO
 MARIANGELVS AFANO
 BENEDICTI. S. D.

V.

Cum sciam, quanta cum voluptate legere soleas, quæ ad politiores literas pertinent, quantumque in omni humanitatis ratione judicio polleas, nullus mihi relinquitur dubitandi locus, quin quæ Grosippus noster adversus Grammaticorum sententiam de *Verborum modis* nuper disputavit, eas sis avidè lecturus. Hoc amplius vero nonnihil te mihi debitorum arbitror, qui hujus tibi lucubrationis copiam obtulerim. Id spectata mihi humanitas tua spondet, quam natalium tuorum nobilitate dignam possides. Vale.

12

*Modi Verborum Potentialis & Permissivus sunt
superuacuum & inane Grammaticorum
commentum.*

N Egari, opinor, non debet, maximum *Emmanuelis Al-*
vare fuisse bene de Linguae latinae studio sis merendi
studium, magnum bonorum auctorum usum, minime præni-
tendam Latine scribendi facultatem. Itaque cum laus ei mul-
ta debetur, tum gratia pro iis, quæ præstitit, haud mediocris.
Simul tamen fatendum est, quod res ipsa clamat, non semel
cum veterum Grammaticorum auctoritate auferri se passum,
ut iudicio, quo valebat tamen, in iis, quæ ineptè illi excogi-
tarant, limandis uti superfederit. Ei rei documento, sit vel *Po-*
tentialis & Permissivus Verborum modus, quos sibi à Pri-
sciano aliisque Grammaticis obtrudi passus est, iisque porro
tenera tironum ingenia, fatigare nihil pensi habuit. Ipse qui-
dem maximum ejus laboris sui pretium facere sibi visus est,
& politissimi vir ingenii dictionisque cultissimæ, qui causam
pro ejus Grammatica adversus Veronensem Pescettium dixit
(qui quidem dum *Scholarum Collegii Romani Correctorem*
se profitetur, eadem opera haud obscure fert, *Curvos* ibi, qui
corrigi necesse habeant, minime deesse) is ergo tantum non
triumphum Alvaro decernit ob tam insignem Modis illis tra-
dendis operam iuventuti navatam. At nos Annotationibus
in nominum & verborum Paradigmata satis planum vide-
mur fecisse, nullos verborum modos esse, nisi qui Adverbiis
exprimuntur, magnamque veterum *ἀδιαφορίαν* in usurpan-
dis primorum & secundorum temporum verbis (quæ vulgo
Indicativi, Optativi & Subjunctivi modi nuncupantur) u-
sumque promiscuum fuisse : qua de re in *Minerva* nostra
uberius disputavimus. Nunc hoc modo Lectori probatum
velim, subinepte Potentialem significandi modum in iis fingi
verbis, quibus hoc ex eventu nullaque necessitate aut insita
vi, sed solo interpretantis arbitrato contingit, ut verbo *Posse*
explicari queant, Verbi gratia in hoc Terentii, *bonus hic vir*
est. S. I. hic vir sit bonus ? Nulla prorsus est necessitas, cur
verbum

verbum sit pro esse potest, dictum accipiamus, cum idem ipsum, quod semper alias, hoc quoque loco significet. Est enim per reticentiam concisè, sive ἡλειπτικῶς dictum, pro *Ain* ut hic sit vir bonus? Estne ut hic sit vir bonus? sive *Itane* res est, ut hic sit vir bonus? quod quam vere dicam, vel hinc judicari poterit. Cicero lib. 9. ad Attic. epist. 11. De Domitio opinor esse ut in Cosano sit, & consilium ejus ignoretur. Si dixisset: Domitius in Cosano sit? Domitii consilium ignoretur? quis jam dubitaret, quin integra oratio futura fuerit? Estne ut Domitius in Cosano sit? Estne ut Domitii consilium ignoretur? Plautus Pœnulo act. 5. sc. 2. Si ita est, ut tu sis Iacchonis filius. Itaque si dictum foret: Tunc ut sis Iacchonis filius? nequaquam nobis interpretandum esset. Tunc ne potes esse Iacchonis filius? sed potius: Itane res est, ut tu sis Iacchonis filius? Idem Men. act. 4. sc. 2. Mihi ut tu dederis pallam? numquam factum reperiēs, pro factumne est ita, ut mihi dederis? Idem Amphit. act. 1. sc. 1. Factum est, ut ego illud vini ebiberim, pro ita factum est, ita res est, ut ebiberim, nam Factum & Res indiscriminatim pro eodem accipi Grammaticæ pag. 148. demonstratum videris. Idem Plautus Trinum. act. 2. sc. 2. Factum est ut illud perierit, pro ita factum seu res est. Itaque frustra quis potentialem modum in istis somniat. Istudne perierit? Egone illud vini ebiberim? Possē vero *Ain* quoque aut *Dicisne* in ejusmodi subaudiri, multis locupletium auctorum locis docere queam, sed paucis in specimen contentus fuero. Terent. Hec. act. 1. sc. 2. Quid ais, cum virgine adulescens cubuerit plus potus, sese illa abstinere ut potuerit? non verum arbitror. Plautus Mostell. act. 1. sc. 1. Non verum loquere, ut quis absens absentem comesse possit. Varro lib. 1. re. rust. cap. 2. Verum dicit ut ille hoc scripserit. Hinc porro planum fit, quid in istis subaudiri liceat: Illene hoc scripserit? Quisquamne absens absentem comedere possit? Similiter in illo Ciceronis: Ego te consulem putem, cum me non putes Senatorem? suppressum putemus licet. An dicis, an postulas, an faciam ut, eritne ut: in quibus generibus Romanorum idiotismum esse ex Donato discimus. Is enim in Phorm. act. 2. sc. 1. Honestam locutionem esse monet, si est ut culpam in se ad-miserit, pro si admisit. quale est Horatianum illud: Non est ne

copia major ab Iove donari possit tibi. pro Non potest tibi donari. Et alterum ejusdem : *Est ut viro vir latius ordinet arbusta*, pro Viro vir latius ordinat. Subauditur enim *Res & Ita*. *Vir*, enim semper est similitudinis, adeoque *Ita* ei respondet, quod Grammat. pag. 44. & 80. monui. *Est*, verò velut verbum finitum Nominativum suppositum habeat necesse est, quia de re pag. 65. attigi. Ac ne quis perperam sibi persuadeat, nominativum *Vir*, esse verbi *Est* suppositum, habemus Terentii locum Phorm. act. 5. sc. 7. *Si vis mihi uxorem dare, ducam : sin est, ut velis manere illam apud te, dos hic maneat.* unde præterea discimus, eundem utrobique sensum esse, *Si vis*, & *Si est ut velis*. pro Si ita res vel negotium est ut velis. Cicero lib. 14. famil. epist. 9. *Ejusmodi spero negotia esse, ut vos istic commodissime sitis.* pro quo dicere poterat : *Spero esse ut istic commode sitis.* Iterum Terent. Adel. act. 3. sc. 6. *Si est ut facturus sit officium, faciat.* pro Si facturus est officium, si ejusmodi negotium est, si res ita se habet, ut sit facturus officium. Et Hecyr. act. 4. sc. 1. *Roga, velintne uxorem, an non : si est ut dicat velle se, redde : sin est autem ut nolit, recte ego consului mea.* Et mox sc. 4. *Sine est ut aliter tua sit sententia accipias puerum.* Et mox : *Manere affinitatem hanc inter nos volo, si ullo modo est ut possit.* Et act. 5. sc. 2. *Si est ut hac Pamphilum verè ab se segregarit.* Massurius Sabinus apud Agell. 4. cap. 20. *Cur ita est, ut tu sis, quam equus, curatior ?* Ubi *Res* Subaudiri nemo est quin perspiciat. In hoc ergo Quintiliani. *Frangas citius, quam corrigas, quæ in pravum induruerunt.* subaudimus : *Ita res est, ut : Ejusmodi negotium est, ut.* Et in hoc Virgilii : *Vnus homo tantas strages impune per urbem Ediderit ?* subaudimus : *Erit ne ut, Ita ne res erit ut.* quomodo apud Terent. Adelph. act. 2. sc. 1. *Usque ad necem operiere Ioris. S A. Ioris liber ? A. sic erit.* ut scilicet operiare. In ejusdem quidem Heauton. act. 5. sc. 2. orationem hanc pœne integram hoc modo legimus : *Ita ne tandem quaeso est Menedeme, ut pater tamen brevi spatio omnem de me ejecerit animum patris ?* Sic plerisque omnes libros veteres habere Faernus testatur, nec nisi sola vox *Res* deest, ut omni ex parte sit regularis constructio, quæ per figuram sic efferri potuit : *Pater ergo omnem de me animum patris ejecerit ?* Et scæna, quæ proxime sequitur oratio.

orationem hoc modo concisam legimus : *Subditum se suspicatur.* C H. *Subditum, ain tu ? S O. certe sic erit.* pro Ain tu ut se suspicetur subditum ? Sic erit res ut se suspicetur subditum ? Apud Lucretium lib. 2. legimus : *Non est ut credere possis.* pro quo alius diceret : Non possis credere, verbo *Est*, suppressio simul cum ejus supposito, quod dixi esse *Res* vel *Negotium*. Itaque si quis dicat, *Non facile credas, quam hoc sit factu difficile* nihil attinet ad Potentialem modum confugere, & *Credas* per *Credere potes* interpretari, cum Lucretius nos doceat, plenam orationem esse, *Non est ut facile credas.* Etiam in Permissivo seu Concessivo *Alvari* modo verbi *Esse* imperativus, sive futurum tertium *Esto* subauditur, ut Permissio omnis ab eo, quod subicitur, pendeat, non ab eo, quod exprimitur. Cicero : *Hac si vobis non probamus, sint falsa sane : invidiosa sane non sunt.* pro, *Esto ut sint falsa, Licet ut sint falsa.* Terent. *Profundat, perdat, pereat: nihil ad me attinet.* pro licet ut profundat, *Esto ut profundat* : sic ut Juvenal. *Nil fecerit esto.* pro ita res esto, ut nihil fecerit. Ita in hoc Ciceronis : *Trahantur per me pedibus omnes rei, non laboro,* subaudiamus licet *Esto ut*, vel *Licet ut*. quomodo Plaut. Rud. *Mea quidem causa salvus sis licet.* Et ipse Cicero : *Per me vel stertas licet.* Eadem ratio est in hoc Ciceronis : *Malus civis C. Carbo fuit. Fuerit aliis : tibi quando esse coepit ?* pro *Esto ut fuerit*, *Licet fuerit* : sicut idem de Finib. 2. *Esto fecerit, si ita vis, Torquatus propter suas utilitates.* pro *Ita esto ut fecerit.* Et in hoc Virgilii *Verrum anceps pugna fuerat fortuna fuisset.* pro *Esto ut fuisset, Licet fuisset.* Neque dispar est ratio in isto Cic. *Age, restitero Perspeticis, sustinero Epicureos : Diodoro quid faciam Stoico ?* Valet enim, *Esto ut restitero*, *Licet restitero* seu *restituerim*. Prisce enim *Amaverim & Amavero*, *Faxim & Faxy*, *Capim & Capso*, *Dederim & Dedero*, *Aufugerim & Aufugero*, *Dixerim & Dixero*, omniaque id genus alia promiscue tam de futuro, quam de præterito dicebant, quod eos præcipue, qui in Plauto hospites non sunt, præterire non potest. Itaque frustra est Alvarus cum potentiali modo adscribit Plinianum illud *Nec facile dixerim, qua ætate coeperit.* Itemque hoc Tullianum *Pomeridianas libentius dixerim, quam postmeridianas.* Est enim futurum secundum par primo positum.

id est, *Dixerim* pro *Dicam*, quomodo Plautus *Emissim* sive *Emerim* vel *Emero*, & *Emam* indifferenter usurpat. *Casin.* act. 2. sc. 2. *Non ego istuc verbum emisim tibi vilitio.* *Pœnul.* act. 1. sc. 2. *Cujus ego septem noctes nebula cyatho non emam.* In aliis porro exemplis, quæ potentiali modo Alvarus asserit, *si velim* aut *velit*, *si libeat*, *si placeat*, *si velles*, *si necesse sit*, *si res ferat*, aut aliud quippiam ejusmodi suppressum esse intelligitur. Virgil. *Nec si cuncta velint, breviter decurrere possim.* pro quo per concisionem sive imminutionem alius diceret: *Non possim cuncta brevi oratione percurrere.* Plaut. *Pseud.* *Homines qui gestant crimina, si meo arbitrato liceat, omnes pendeant.* pro quo dici poterat, *Pendeant omnes qui gestant crimina.* Idem *Asin.* *Nauteam bibere malim, si necessum est, quam illam osculari.* Virgil. *Hoc Ithacus velit, & magno mercentur Atrida.* Subauditur, *Si liceat.* Sallust. *Sed confecto pralio tum vero cerneret quanta audacia fuisset in exercitu Catilina.* Subaudimus, *Si videres, si velles.* Cicero: *Voconia lex videlicet te delectabat. Imitatus esses illum ipsum Voconium.* Subauditur: *Si te lex illa delectabat.* Ita nihil attinet, ut vel *Potuisses* vel *Debuisses imitari*, interpretemur. In hoc Virgil. *Et ni mea cura resistat, iam flamma tulerint, inimicus ei hauserit ensis,* subaudire possumus, *Esset ut, Foret ut,* similiterque in isto Livii, *Tum vero nequicquam Capitolium servaverim, si civem meum in servitutem duci videam.* In Virgiliano illo, *Quid facerem* suppressum intelligimus *Vis ut, Censes ut,* vel, *si recte facere volebam.* In Terentiano autem: *Diceret, quid feci, quid peccavi?* Planum satis est subaudiendum esse, *Si eum objurgarem:* adeoque intempestivum est interpretari *Diceret* per *Possit dicere.* Ista quippe senex filium, si objurgatus esset, non dicere posse, sed certe dicturum fuisse sentit. Cæterum quod de *Capsim* & *Capso* dixi, in memoriam me revocat ejus, quod perperam censuit Cicero, in *Capsis* tres esse voces, quasi factum sit ex *Cape si vis*, quid ergo faciet Tullius, de *Capso*, *Capsis*, *Capsimus*, quæ Plautus habet? Si alicubi legit Cicero *Capsis*, non fuit illud simile imperativis *Dic, sis, Fac, sis, Duc sis* (nam *Cap* per apocopen pro *Cape* non dicitur) sed fuit secunda persona à *Capsim* vel *Capso*, quo prisca utebantur pro *Ceperim*, & *Cepero*, & subaudiebatur *Fac*, de quo in Gram-

mat. pag. 37. monni. Cæterum *Cape sis* in Plauto legimus Asin.
act. 3. sc. 3. *Cape hoc sis Libane*. Et Rud. act. 2. sc. 5. *Capt aquam
hanc sis*. Et Merc. act. 5. sc. 2. *Cape sis puer hoc pallium*. Et Trin.
act. 3. sc. 2. *Cape sis virtutem animo*.

LEONARDO PAPPO JURIS C.
& Canonico Constantiensi

MARIANGELUS A FANO
BENEDICTI S. P. D.

ET si te veterem Grosippi nostri contubernalem & inter-
ioris notæ amicum minimè præterire potest, quæ illius
de Lexicis, sive Vocabulariis, aut Thesauris linguæ latinæ,
eorumque forma & usu sit sententia, minimè tamen ingra-
tum tibi facturum me confido, si tibi perscribam, quæ in fa-
miliari sermone eadem de re non semel differentem audiui.
Ejusmodi ergo Vocabulorum Latinorum Indices tum de-
mum numeris omnibus absolutos & quantavis prædicatione
dignos fore censet, si *Magistri*, non *Ministri* tantum operam
lectoribus suis navent, pariterque *Iudicium* informant & *In-
ventionem* adjuvent, ut nimirum cum de verbis singulis ac
conjunctis exploratè judicari queat, quæ vera singulorum
vis sit ac significatio, quosque illa auctores habeant, tum ut
quacunque de re scripturus ea minimè laboriosè reperire
possit, quæ animi sensa explant, sive numquam illa sciverit,
sive lecta quidem vel audita in memoria non habeat. *Iudi-
cium* portò tribus rebus dirigitur, Ratione, Observatione &
Interpretatione. *Ratio* vel ad etymologiam vel ad syntaxin
pertinet. *Etymologica ratio* postulat, ut doceatur, ad quam
orationis partem quæque vox pertineat, hoc est, nomenne
sit an verbum, an particularum aliqua, Præpositio puta, Ad-
verbium, Conjunctio & Interjectio: tum quæ nominis spe-
cies, adjectivumne an substantivum, & adjectivumne naturæ
an usu, adhæc primitivane sit, seu primæ impositionis, an a-
liunde flexa seu derivata: præterea quæ propria ejus sit signi-
ficatio, quæ Tropica seu figurata. Verè enim unica tantum

est vocabuli cujusque propria significatio, reliquæ omnes Tropum continent ob rerum inter se significatarum affectionem aliquam, quia scilicet altera alterius vel causa est, vel effectum: vel subjectum, vel adjunctum: vel totum, vel pars: vel antecedens, vel consequens, vel connexum: vel signum, vel signatum: vel conjugatum: vel consentaneum aut simile, vel dissentaneum aut oppositum, tandem simplicibus subjici debent composita, & derivata primigeniis, quod ea res magnum ad intelligendum singulorum vim ac potestatem momentum faciat. *Syntaxeos ratio* in iis, quæ Concordiæ aut Rectiōis sunt; occupatur, non tamen ut Grammaticæ partes invadat, sed ut admoneat Lectorem, sicubi obscurum est, secundumne regulas constructionis, an per figuram aliquid dicatur. Verbi gratia: *Primum, adverbialiter positum per ellipsin præpositionis & nominis substantivi, pro Ad primum tempus aut locum. Primo adverbialiter positum per ellipsin præpositionis & nominis substantivi, pro In primo, A primo loco, aut tempore, aut pretio, aut numero, aut pedatu. Latere aliquem, Græca figura pro alicui. Reginus adjectivum, sicut Regius, cujus solum fœmininum in usu mansit Regina, in quo subauditur vel uxor vel filia. Patria nomen natura adjectivum, cum quo subauditur Terra, sed usu substantivum, ut Livius: Neapolis mihi materna patria est. Mille hominum, pro Mille homines per ellipsin vocis. Rem aut Negotium, sicut Plus centum annorum est, & Decem talentorum mihi reliquit.*

Observationis est ea ex melioris notæ auctoribus referre, quæ partim bene loquentium consuetudini sunt consentanea, partim honesta, & lecta atque à plebe semota, ut scilicet illa orationis vitia caveti possint, quæ Grosippus noster in Propædia sua Rhetorica *Insolentia & Adiaphoria* subjicit, Archaisinus puta, Neoterisinus, Idiotisinus seu Peregrinitas & vilitas vel Plebitas, etsi notitiæ saltem causa illa quoque in Lexico observari convenit, quæ vel prisce, vel novæ ac singulariter, vel peregrinè præcipueque Græcanicè, vel denique pro plebis Romanæ consuetudine alicubi dicta inveniuntur, dum tamen vitii nota singulis appingatur, ne, quid tuto usurpet, Lector ignorare possit. Hoc autem vix præstiterit, nisi qui singulorum panè vocabulorum loquendique generum

Indi-

Indices ex unoquoque aureæ & argenteæ ætatis scriptore confectos habet, ut nihil profus eum queat effugere. Aliter enim iudicium Lectoris dubium semper & fluctuans relinquet. Verbi gratia si iudicare velis, satine Latine dictum sit; *Daturum me tibi promitto cum eo, ut mox mihi reddas*: consultus linguæ latinæ thesaurus anno 1573. Lugduni editus; qui longe cæteris indicibus præstat, docebit te, *Cum eo*, pro *ex lege* apud Columellam & Cornelium Celsum legi: sed neque qua id ratione dictum sit, expedit, neque ullum ejus auctorem aureæ ætatis laudat. Ut ergo explorato iudicare de hoc loquendi genere possis, Lexicographi partes erunt, hoc modo commentari.

Cum eo per ellipsin dicitur, pro *Cum eo* modo seu pacto, *cum hac lege & conditione*. Cic. 6. ad Att. 1. *Mihi non excidit illud, quod tu ad me scripisses, si nihil aliud de hac provincia, nisi Bruti benevolentiam deportassem, mihi id satis esse. Sit sane, quoniam ita tu vis, sed tamen cum eo (credo) quod sine peccato meo fiat.* Livius lib. 8. 14. *LaVINIUS civitas data, sacraque sua reddita cum eo; ut ades Iunonis communis LaVINIUS cum Populo Romano esset. Et mox: Antium nova colonia missa cum eo, ut Antiatibus permetteretur, si & ipsi adscribi Coloni vellent.*

Similiter si scire certum velis, *Instar* pro *Fere*, *Quasi* Circiter probene dictum sit, nec observatione ulla, nec ratione iudicium tuum vulgata Lexica moderabuntur, quod faciet, si sic scribat Lexicographus:

Instar nomen substantivum nominativo & accusativo casu modo inventum: significat speciem, similitudinem, modum seu quantitatem. Sueton. Julio cap. 61. *Equi sui instar pro eade Veneris dedicavit*, id est, statuam, effigiem. Ulpianus leg. 22. Dig. de operis novi nuntiatione: *Si proponatur instar quoddam & quasi facies quadam operis*, id est, species, ut quale opus futurum sit, quodammodo appareat. Cæsar 3. bell. civil. *Ani-madversum est, cohortes quasdam, quod instar legionis videretur, esse post sylvam*, id est, ad numerum simile legioni. Hirtius bello Alex. *Cæsar cohortium trium instar in terram exposuerat.* Livius lib. 28. 17. *Scipio receptas Hispanias parvum instar eorum ducebat, qua spe ac magnitudine animi concepisset.* Cicero 10. ad Attic. *Epistola, qua voluminis instar erat.* Idem 2.

Offic. *Qui clientes se appellari, mortis instar putant.* Idem 5. Vertin. *Navis ita magna, ut urbis instar habere inter piraticos mycparones videretur,* id est speciem. Idem Orat. *Hac magna sunt & tamquam animi instar in corpore,* id est, similitudo. Idem 4. Tuscul. *Terra ad universi calis complexum puncti instar obtinet.* Virg. 6. *Æneid. Qui circum strepitus comitum, quantum instar in ipso est?* id est, quanta species & magni viri indoles ac similitudo. Idem 2. *Æneid. Instar montis equum divina Palladis arte Ædificant,* ubi ellipsis est, pro *Equum entem instar montis*, sive qui est instar montis. Aut deest Præpositio *Ad*, quam teste Servio Septimius Serenus celebris poëta Lyricus expressit, ejusque exemplo Apulejus & Imperatores in Codice Justin. sæpius; ut *Ad instar montis equus* sit velut *Ad modum* seu similitudinem aut magnitudinem montis. Hinc ad exprimendum numerum promiscuè *Ad modum* & *Ad instar*, aut per ellipsin *Instar* vsui esse solet. Livius: *Sex millia hostium caesa, quinque ad modum Romanorum,* id est, quasi, fere, circiter. Idem: *Mille admodum vehicula capta.* Exaëto *ad modum mense Februario.* Cic. 16. ad Attic. epist. 5. *Mearum epistolarum nulla est synagoge seu collectio. Sed habet Tiro instar septuaginta,* subaudi Epistolarum. Varro 1. rei rust. 1. *Adjecit non pauca, & de Magoris demisit instar librorum octo.* Columel. 2. cap. 5. *Acervi stercoris instar quinque modiorum disponentur.* Catul. *Murtola habet instar triginta jugera prati,* pro habet jugera prati ad instar, sive ad modum triginta jugerum. Sic habent omnes codices manu formisque descripti. Sola Plantini & Raphelengii editio stolidam & à latini sermonis ratione alienissimam Josephi Burdoscigeri conjecturam in contextum recepit, extrita vera scriptura: quæ de re videatur Scioppii Scaliger Hypobolimæus pag. 210.

Interpretationis denique est explanare auctorum loca, quæ recitantur, ut Lexicon sit commentarii vice, nec eos, qui Latine volunt scribere, verbis Latinis barbarè uti patiatur. Verbi gratia *Fidem adhibere*, in Plauti Rudente legitur, quod Lexicographus interpretari debet, idem scilicet significare, quod uti fide, ad negotium aliquod fidem afferre in eoque cum fide versari, sicut *Adhibere diligentiam*. nam nisi sic explicaverit, faciet Lector, quod Aufonius, Manutius, multi-
que

que alii primores in literis viri fecerunt, ut dicat *Adhibere fidem*, pro Credere alicui, quod minime Latinum esse Grosippus Paradox. pag. 43. & in Propædiæ Rhetoricæ fragmento nuper edito monuit, quod enim apud Ulpianum invenitur leg. 1. Dig. de quæstion. aut mendosum, aut à Triboniano profectum videtur, sicut & *Iuramentum* vox barbara: etsi nec Ulpiani ætas ea est, quæ Latini sermonis corruptela vacet. Ita *Projicere ampullas* apud Horatium monebit Lexicographus esse idem, quod inillas facere, valere jubere, abjicere, abstinere, non uti, quæ verbi *Projicere* significatio in Plauto, Cic. Catullo & Sen. observari potest. Aliter minime Latinè & ridicule de tumidi & gloriosi sermonis homine Horatii versu Lector utetur: *Projicit ampullis & sesquipedalia verba*, quem admodum Casaubono uluvenit, cujus in Comment. Athenæi pag. 186. verba sunt: *Nunquam Comicus Græcus Tragicorum poetarum verba sesquipedalia subsannat, quin ampullas projiciat*. Ita *Salillum anima* apud Plautum nisi quis in Lexico recte interpretatum viderit, ridiculè pro Corpore accipiet, quasi Corpus sit salinum, Anima vero sal. At enim *salillum anima amittere* non est *Amittere corpus* (quod Ciceroni & Lucretio significat macescere seu macilentum fieri, cui contrarium *Corpus facere* apud Phædrum fabulatorem pro Pinguescere sive Habitorem fieri) sed amittere animam seu mori. Ex quo perspicuum evadit, *Salillum anima* dictum pro Anima quæ est Salillus, sive sal corpori datus ut ne putrescat: sicut *Premia palma* Virgilio pro palinà quæ est præmium, *Arbores abietis* Livio pro abietes quæ sunt arbores, *Medorum hostes* Propertio pro Hostes Medi, quorum similia Grosippus Gram. pag. 128. annotavit. Ratio porro hujus veræ interpretationis ex antiquitatis pendet notitia. Ex Græco nimirum ἄλς Latini formarunt *Salis*, quoniam nec consonantes continuabant (ut in *Plebes*, *Faces*, *Ancipes*, *Præcipes*, & similibus apparet) & adspirationis notam sibilo commutabant, ut ἐξ *fex*, ἐπτα *septem*, ὅς *sus* &c. A prisco ergo *Salis* derivatur *Salillus*, sicut à *Lapis* *Lapillus*, ab *Anguis* *Anguilla*. Jam ergo Prolusionum Academicarum scriptori periit sal suus, quem in illudendo Cantabro illo viri frustulo, consumserat, adeoque per hunc *salelem* insulsus victitare potest. Neque tamen *Salillum*

lum Grosippus propterea negat à *Salino* recte deduci, quæ voce Plautus etiam in *Perfa* utitur, qui *servo salinum obsignant cum sale*, pro *Salinum* vas, in quo est sal, non inane. sicut *Curcul. sinus cum vino*, pro sinus in quo est vinum. Ex quo judicari potest, quam nullo iudicio Plauti locum Germani editores non præter solitum nuper corruerint, cum invitis libris scriptis ediderunt: *Servo allium obsignant cum sale*; omnino autem facilem reddit interpretationem Etymologiæ ratio, de qua supra attigi, si primitiva an derivata vox sit, consideretur, quidque propriè ac per Tropum aliquem significet. Verbi gratia, *Lego* primitiva vox est, à qua derivatur *Diligere*, cujus propria significatio est, *Hinc inde lego & ab aliis discerno*, quod facit qui cum magna pomorum congeti es humi jaceat, non legit seu colligit omnia, sed grandiora modo eximit, quæ auferat. Et quoniam ex multis pauci eligendi sunt, quos quis amet, hinc factum ut *Diligere* pro *Amare* usurparetur per Metonymiam Antecedentis. Atque hinc Cicero *Amare* plus esse monet, quam *Diligere*, quod in *Diligendo* sit Amoris principium. *Dilectus* ergo *militum* (quomodo Festus scribendum docet) propriè dicitur, per Tropum vero significat eum, qui amatur, unde & *Dilectio*, quæ tamen voce nemo latinus utitur, quæ posterioribus Tacito & Symmacho est *Diligentia*, quæ vox Ciceroni, idem quoque quod electionem vel dilectum, significat. Pro Plancio. *Non est consilium in vulgo, non ratio, non discrimen, non diligentia*. Cicero *Dilectum & Discrimen* conjunctim solet dicere, ut sensu vix quicquam differre significet. *Diligens* propriè est Eligens seu Deligens, per Tropum usurpatur non modo pro *Amante*, ut dictum est, sed etiam pro *Studio*, *Sedulo*, *Attento*, cui contrarium *Segnis*, cum *Studium* & *Attentio* sit adjunctum Electionis. Postea significat, quoque *Parcum*, id est, attentum ad rem familiarem, quæ jam est Synechdoche partis. Accuratio enim & Sedulitas quævis est Totum, cujus species est Parcomonia, id est, sedulitas in re familiari. Horum exempla ex Cicerone & aliis afferre longum sit. Hinc *Diligenter* pro *Studio* & *Accurate* per Tropum dicitur, cum propria ejus significatio sit, cum dilecto & discrimine. Atque ita expedita est interpretatio Ciceroniani hujus, *Diligenter latine loqui*.

In Bruto: *De Tito Flaminio nihil accepi, nisi latine diligenter ocum*, hoc est, usum verbis lectis, solitum ex variis ejusdem Ipoteftatis vocabulis ea eligere, quæ honesto & nobili viro digniora viderentur, plebeia vero & sordida missa facere. Et infra ibidem: *Verba ipsa, non illa quidem elegantissimo sermone. Itaque diligenter latine loquendi laude caruit: neque tamen est admodum inquinatè locutus.* Hic diligenter loquitur, qui non loquitur inquinatè, id est, qui abstinet sordidis ac humilibus. Seneca 2. de Ira 12. *Quicquid voles scire, quale sit, tempore trade. nihil diligenter in fluctu cernitur nunquam liquidum sincerumque ex turbido venit.* Sic Varro de Lingua Lat. 5. *His magis promiscue, quam diligenter consuetudo est usa.* Ubi Diligenter & Promiscue sive Indifferenter aut Indiscriminatim videmus contrario inter se nomine opponi, ut Diligenter valeat Distinctè, non Confuse, ut aliud ab alio discernatur.

Reliquum est, ut quæ *Inventionis adjumenta* à Lexicis præstari debeant, consideremus. Alia nimirum sermoni necessaria sunt, alia dictioni. *Sermo* alius absolute ac simpliciter Hominis est, alius Hominis ingenui sive Honesti aut Nobilis, sicut *Dictio* est hominis Diserti sive Oratoris aut Poetæ. Homini ad explicanda, animi sensa verbis propriis usus est, quæ tamen nec *Obsoleta* sint, nec *nova*, nec *peregrina*. *Honesti* vero hominis oratio debet esse Diligens, aut Elegans, hoc est, in qua verborum sit Dilectus, ne plebeiis & sordidis inquinetur. Diserti hominis dictionem cultus & copia commendant, si nimirum tropis, figuris & amplificationibus ornatur, eademque res aliis atque aliis verbis subinde efferatur. Itaque sic demum Lexicographus suo functus fuerit officio, si quicquid vel sermoni, vel dictioni usus erit, scripturo suppediet. Ejus vero rei tres modos invenit Grosippus. Unus est ipsarum rerum in certas classes descriptio, quæ suis appellationibus insigniantur, iisque tam verbis, quam nominibus: quod nemo rectius & felicius præstiterit clarissimo & humanarum rerum nostra ætate non dico cum primis, sed quod Grosippus censet, unicè docto *Iohanne Baptista Donio Florentino*, qui *Hermathena* suæ in viginti libros distribuat instat ac *παραπλοῖα* Grosippo nuper misit. quod quidem opus si Summi Pontificis & Francisci Cardinalis Barberini auspicio

spicio ac munificentia extremam aliquando manum recipiat, politiores literas in perpetuum stabilitas, nullumque post hæc à barbarie periculum fore auguror, multoque ea res Barberiniano nominerit amplior ac gloriosior, quam quicquid est in orbe toto Pyramidum aut quarumcumque insaniſſimarum substructionum moles.

Alter Inventionis adjuvandæ modus est verborum cum singulorum tum conjunctorum Isodynamia, siue ut vulgo loquuntur æquivalentia, cum videlicet maxime notis in promptuque positis ea subjiçuntur, quæ aut eandem, aut saltem finitimam significandi vim habent, ut eorum usu orationem siue ornare, siue variare possis. Verbi gratia, in serie verborum à litera *M*, incipientium, ad vocem *Mutabilis*, similiterque alio loco ad nomen *Inconstans*, annotari cum alia, tum ista poterunt, quæ auctorum lectio suppeditaverit: *Mobilis. Volaticus. Desultorius. Ventosus. Instabilis. Volubilis. Volucer. Vagus. Levis. Commutabilis. Varius. Multiplex. Flexibilis. Incertus. Ad omnem auram spei mobilis atque infidus. A se ipse dissentiens. Instar veli utcumque in alio ventus est, ex inde vertitur. Pluma aut folio facilius movetur. Magna ejus est varietas voluntatis & dissimilitudo opinionis ac judicii. Crebro nimis stylum vertit, & frequens in decretis eius litura est, aliudque stans, aliud sedens sentit.* Horum verò usum si quis exploratius cognoscere avebit, de singulis priorem Lexici partem, id est, *Commentarium* consulat, ubi ipsa auctorum verba observata & explanata inveniet. Hæc enim posterior pars vicem *Promptuarii* seu penuriaz cellæ præstat, unde quis adornandi vel variandi usum necessaria queat depromere. Extant quidem Manutii Elegantiæ, Hadriani Cardinalis, Antonii Sclorri, Oberti Gifanii, multorumque aliorum phrasiologiæ, quæ tamen plus fere Judicio, quam Inventioni subserviunt, nec nisi minimam eorum, quæ afferri ex auctoribus poterant, partem repræsentant. Necesse autem habet, qui hac provincia rectè defungi volet, ea quæ in auctoribus minime vulgariter dicta offenderit, in omnem partem versare, quibusque ea modis variari possunt, periculum facere, ut sub pluribus capitibus eorum inveniendi facultas scripturo suppetat. Verbi gratia. In Cicerone lego: *Tantate meritas, ut non procul abhorreat*

horreat ab insania. Considerans verborum vii, inuenio sententiam eorum esse, *Temeritas similis*, aut *non dissimilis insania*. quomodo & Catullus de Suffeno : *Tantum abhorret ac mutar*, pro tam est sui ipsius dissimilis. In Promptuario ergo scribo: *Similis. Non procul abhorret ab insania.* Item *Dissimilis. Non procul abhorret ab insania.* Pari modo legens in Cicerone : *Hæc etsi scita, tamen non absunt à consuetudine somniorum.* expensa sermonis elegantia comperio vulgari modo dici posse : *Non est novum, aut inusitatum talia somniari, aut Solent talia somniari.* Itaque in Promptuario verbis *Solet, Novum, Inusitatum*, adscribo genus hoc loquendi: *Hæc non absunt à consuetudine somniorum.* Ad verbum quoque *Solent*, Plautinum illud & Ciceronianum appingo: *Consuetudine aliquid facere.* Hoc quippe est *Solere facere.* Ita cum in Seneca lego: *Obsessa setis cervix*, interpretor significari *Pilosum* vel *Hirsutum*, adeoque sub iisdem verbis in Promptuarii refero illud Senecæ, in quo etiam legens ista: *Aliud ex alio placet vexatque nos. petita relinquimus, relicta repetimus: alterna inter cupiditatem nostram & penitentiam vices sunt.* intelligo vulgari modo dici potuisse: *Modo hoc, modo illud placet. Modo cupimus, modo nos penitet.* Interdum hoc, interdum illud. *Alias hoc, alias illud.* Ut ergo huius generis elegantia lector orationem illustrare aut variare possit, sub diversis Promptuarii capitibus ac velut Inventionis locis ea illi repræsentent.

Postremus adjuvandæ Inventionis modus est *Appositio*, cum adiutorum, (cujus generis sunt adjectiva nomina) tum adverbiorum; quorum utroque orationem amplificati, pleniorinque & velut succosior reddi ex Rhetoricis satis notum est, tamquam si dicas, *Homo omnium animalum divinisissimus, ille belli fulmen & Carthaginis horror Scipio, Æneia nutrix Cajeta, Amicus firmus & fidelis. Amare aliquem plurimum, maximè, mirificè, præcipuè, valdè, misere, perditè, offliet m. Cupere aliquid ardentè, summe, valde, vehementer, misere, nimis, impense, haud modice.* Etsi autem ista Apposita Inventioni subserviunt, rectius tamen in Commentario suis vel verbis, vel nominibus suppinguntur, velut in Nizoliano Ciceronis indice factum video.

Atque ista sunt, quæ Lexicographum facere oportere

Grosippus censet, si omnes officii numeros implere, meritoque suo puncta doctorum auferre velit. *Ambrosius* Comitissæ de Calepio vel *Calepini* in agro Bergomati filius, familiæ Augustinianæ monachus in suo Lexico, quod atlas illa nondum satis literis exculta ferebat, præstitit, adeoque venia, quam laude ulla est dignior. Etsi autem homini literato Grosippus erubescendum ducit, Calepiniani Indicis mentionem facere (quo nomine non nemo de Romanis literatoribus ei succensere fertur) longe tamen ille abest, ut tam inclementer Calepino dicat, quam ab eruditissimo homine *Francisco Florido* factum est, cujus in Apologia pro Poetis latinis verba sunt: *Quam laudari Nicolaus Perottius, tam reprehendi jure optimo potest Ambrosius Calepinus monachus cum suo illo insulso fatidoque Dictionario, quem ex Perotti sudoribus servato literarum ordine ita disposuit, ut à se ne gry quidem in eo protulerit, ut optime illis consuli posse nemo ambigat, si sax illa publico edicto supprimatur: quamvis Perotti auctoritatem auxerit potius, quam imminuerit. Illius enim nomini multa in reddenda verborum ratione ab eruditis deferuntur, cum Calepino vix credant, quod veterum auctororum exemplis comprobarit: ac ille, denique honoris, hic ludibrii causa in doctorum cæcibus nominari soleat.* At enim Calepinus hodie in omnium versatur manibus, magno doctissimorum hominum certamine auctior & melior, cum eruditi ac disertissimi illius Perotti *Cornucopia*, in vicum vendentem thus & odores deferri, ibique piper amicare, & tunicas scombris præbere soleat, non ob aliam sane causam, nisi quod minore multo negotio, quæ quisque velit, in Calepino invenire potest. Veruntamen quod plurima in eo desiderabantur, animus fuit additus *Roberto Stephano Parisiensi* typographo, ut decem diversarum nationum hominibus, quos tamquam Græcè ac Latinè intelligentes domi suæ alebat, verba omnia loquendique genera ex Latinis auctoribus excerpti provinciam delegaret: unde natus *Thesaurus* ejus tribus voluminibus distinctus, quem postea *Cælius Curia* Fori Romani, *Theodorus Trebellius* Promtuarum nomine inscriptum Basileæ edidit, nulla *Stephani* mentione. Bibliopola tandem Lugdunensis magna eorum accessione, quæ Turnebi, Lambini, aliorumque philologorum libri suppeditant,

tarant, auctiorem & emendatiorem Lugduni produxit anno 1573. quem in compendium post anno 1613. redegit *Ludovicus Lucius*, & *Thesaurum* sive *Ærarium lingua latina* inscripsit. In istis tamen omnibus plurima sunt, quæ merito cum in-scitiæ, tum supinæ cujusdam oscitantæ ac negligentæ accusas. Primum enim nihil dici potuit stolidius & imperitius, quam quod in judicio de Latinis scriptoribus *inter inelegantes & imperfectos* Plautum, Terentium & Lucretium recensent, *inter perfectos* autem & *elegantissimos* Varronem & Sallustium, *inter postremos denique & deficientes* Valerium Maximum, Senecam & Curtium, velut Apuleii æquales. Deinde Etymologiæ ratione sæpenumero lectoris fallunt judicium, cum Adjectiva nomina habeant pro Substantivis, Adverbiisque accenseant, quæ sunt Nomina, ut mittam quod primitivis derivata non attexunt, nec simplicibus composita, in quo tamen maximum est momentum ad vim singulorum rectius intelligendam. Itaque errorem istum corrigere conatus est in suo *Eruditionis Scholastica Thesauro* *Basilius Faber*, etsi non semel cum ratio in eo fugit, ut quæ ex quibus derivata essent, minime perspiceret: quod genus est *Demo* & *Sumo*, quæ pro primitivis habet, cum sint profecta ab *Emo*, quod monente Festo prisce significabat *Accipio*. Adhæc magnam Observatio istorum mendam continet, cum & nonnulla afferant, quæ minimè Latina sunt, nec in ullo satis idoneo scriptore extant, & plurima rursus vocabula reticeant, quæ suos tamen auctores habent, cujus rei specimen in *Roberti Constantini supplemento lingua latina* Lugduni, & in *Basilio Zanchii Epitome* Basileæ edita videre licet. quod minus difficulter credet, qui jam inde ab anno 1573. aliquos auctores veteres eo tempore ignoratos, alios infinitis partibus auctiores & emendatiore ex variis Bibliothecis erutos fuisse sciat, tamquam Phœdri fabulas, Hygini mythica & astronomica, Quintiliani patris Declamationes, Senecæ rhetoris oratoria, Servium Petri Danielis, Varronem Scioppii, Festum Scaligeri & Fulvii Ursini, Nonium Merceri, auctores finium regundorum Rigaltii, Inscriptiones Gruteri, Glossaria Philoxeni, Placidi, Isidori & aliorum. Sed generum loquendi sive phrasium, quæ in Plauto Terentio, Lucretio, Cicerone, Cæsare, Nepote, Livio, aliisque

aureæ & argenteæ ætatis scriptoribus extant, multo maximam partem auctores illi intactam reliquerunt, eoque fit ut nemo jam tuto de Latinitate judicare possit: cum merito verendum sit, ne quod isti Thesauri non exhibent, diligens lector alicubi apud probæ auctores observare potuerit. Accedit, quod mendosissimis Auctorum editionibus usi cum ipsi se observatores, tamen lectores suos sæpissime ruspiter frustrantur. Exemplo sit, quod voce *Capularis*, Plauti ex Milite versus hunc recitant. *Tam capulari stamine tibi diu videor vivere*. Et sane sic in Aldi Manutii editione legitur, qua tamen nihil dici potest mendosius & portentosis erroribus inquinatius. Et Itali nostri cum Aldi Plautum legerunt, sibi plaudunt ac tantum non beati videntur, nec exemplaria illa inspicere dignum ducunt, quæ vetustissimorum codicum fide Transalpini homines accuratissime emendarunt, quod ipsum non minore *καθαρίαν καὶ ἀφελικαίαν* in cæteris faciunt auctoribus, prorsus ut si frugibus inventis malint glande victitare. Sed ad versus illum redeo, quem ex emendatioribus membranis ita viri docti nobis exhibent:

*Quid ais tu? itane tibi ego videor oppido Achrunticus?
Tam capularis? tamne diu tibi videor vivere?*


Ad extremum tanta passim cum imperitia in locis auctorum interpretandis versantur, ut doctis quidem uberem risus materiam præbeant, minus vero doctis errorem objiciant, ut verbis Latinis barbare utantur, cujus quidem rei specimina nonnulla paulo superius exhibui, quorum similia, si opus sit, multò plurima afferri queant.

Quod deinde ad Inventionem attinet, aut nulli, aut non magno saltem sunt usui. Epitheta quidem aliqua sive adjectiva nomina substantivis appingunt, cæterum non nisi ea vocabula, quæ jam nota habeas, quantocunque quaerendi & volandi labore invenire possis.

Habes Grosippi nostri de Lexici latini virtutibus ac vitiis sententiam, cujus tria illa *Promptuarium* volumina, quantum ei qui quacumque de re Latine velit scribere, adjumenti præstent, experiundo didicisse te scio. Ut autem, quanta idem cum *ἀναθεώρησις* in linguæ latinæ Commentario versetur, estimare

stimulare possis, hoc tibi specimen mitto, dissertationem scilicet de Natura & Uſu vocabuli *Quod*, cujus ego occasionem illi praeſtueram. Tu, vir optime & doctiſſime, meum hoc te demerendi ſtudium boni ut conſulas rogo. Vale ac Merono plurimam verbis meis ſalutem dicitō.

SYNOPSIS.



*Satisſne Latine dicatur, Scio quod ſis doctus,
vel Credo quod, vel Dico quod: &
quæ dicti ſit ratio.*

Perique omnes, qui haud vulgariter didiciſſe literas cum ſibi, tum cæteris videntur, hoc loquendi genus velut minime Latine explodunt, ejuſque loco *Scio*, *Credo*, *Dico te eſſe doctum*, uſurpandum eſſe contendunt: præcipuè vero magiſter meus Franciſcus Sanctius in Minerva ei ſe generi infeſtum præbuit, utque barbarum eſſe & locupletibus linguæ latinæ auctoribus ignotum fuiſſe vinceret, ſummis viribus anniſus eſt. Ratione eam ad rem hac utitur, *Quod* apud Latinos ſemper eſſe nomen Relativum, in quo ſubſtantivum, ad quod refertur, ſubaudiri neceſſe ſit. Relationem eſſe in iſto Ciceronis: *Quod epistolam conſciſſam doles, noli laborare*. Ordinem enim & ſenſum eſſe: *Noli laborare circa id quod, vel ex eo quod, vel propter id quod*. Eandem eſſe rationem in hiſ Terentij verbis *Hec. act. 2. ſc 3.*
Nam

Nam quid me accusat nunc vir, sum extra noxiam. Ubi Relationem esse ad nomen, quod subauditur, hoc modo Donatus agnoscit: Deest In eo, ut sit: In eo quod me accusat nunc vir, sum extra noxiam. An deest Quod, ut sit Propter quod. Mallem dixisset Ad subaudiri, quod Græcis est ὅτι, ut dicimus, Quid me accusas, Si quid te offendo, Nihil te moror, Ne me aliquid tibi succensere suspicaris, Si mihi imposuisses aliquid, animo iniquo ferrem. In quibus omnibus Ad, per ellipsin suppressum esse in Grammaticis demonstravi, ubi & Ulpiani Jurisc. verba regulari syntaxi congruentia retuli: Si ea res cursum fluminis ad aliquid immutavit. Itaque facile hoc Sanctio concedo, Quod semper nomen relativum esse: simul tamen in illis quoque quæ ab eo damnatur loquendi generibus, Relationem esse, & præpositionem Ad subaudiri contendo. Operæ vero pretium facturus videor, si prius ipsam loquendi modum à melioris notæ auctorum consuetudine nequaquam abhorreere ipsorum verbis in medium allatis doceam, tum syntaxeos rationem, quam illi secuti fuerent, subtilius indagem.

Plaut. Asin. act. 1. sc. 1. *Equidem scio jam, filius quod meus amet istanc meretricem è proximo Philemium.*

Idem Aul. act. 2. sc. 1. *Scio quod dictura es, hanc esse pauperem. Ita est in optimæ notæ membranis.*

Idem Pœn. act. 3. sc. 1. *Scitis rem, narravi vobis, quod vestra opera mihi opus fuit.*

Ennius: *Vtinam mortem oppetam prius, quàm eveniat, quod in pauperie mea senex graviter gemam.*

Cic. 7. famil. epist. 23. *Memini quod mihi desipere videbare, quod cum istis potius viveres, quam nobiscum.*

Idem 10. ad Attic. epist. 4. *Iurabat ad summam, quod nullo negotio faceret amicissimum mihi Casarem. Affirmabat, cum scripsisset, quod me cuperet ad urbem venire, illum quidem gratias agere maximas, & non modo probare, sed etiam gaudere.*

Idem offic. 1. *Illud animadverto, quod qui proprio nomine perduellis esset, is hostis vocaretur.*

Idem lib. 1. in Verr. *Is mihi etiam queritur, quod à nobis novem solis diebus prima actio iudicii sui transacta sit.*

Idem

Idem alibi : *Bene facis, quod me adjuvas.*

Cato apud Plinium 29. cap. 1. *De Gracis istis dicam, quod bonum sit eorum literas inspicere, non perdiscere.*

Varro 1. rei rust. 7. Cato dicit, quod primus ager sit, ubi vinea possint esse bono vino & multo: secundus, ubi hortus irriguus. Et cap. 2. *Verum est quod jubet ranam coque-
re in aqua.*

Idem 2. rei rust. 4. *Corpus matris à sacerdotibus, quod in
salsura fuerit, demonstratur. Alii scripserunt, quod è
Sicilia Hercules persecutus sit in Italiam nobilem tan-
rum, qui diceretur Italus.*

Ibidem cap. 10. *Quod ad fortunam humanam pertinet pa-
storum, facile est quod habeant conservam in villa.*

Vitruv. initio lib. 10. *Vtinam dii fecissent, quod ea lex etiam
populo Romano esset constituta.*

Livius lib. 45. *Quam feliciter temp. administraverim, &
quod duo fulmina per hos dies domum meam percule-
rint, non ignorare vos Quirites arbitror.*

Asconius in Verrin. 2. *Moris veterum fuit, quod Prator
soleret pronunciare, Dixerunt.*

Seneca rhetor. 2. Controv. 5. *Apparet quod utique non ope-
ruit, si ne licuit quidem.*

Fuscus Arellius Horatii æqualis apud Senec. 1. Contro-
vers. 2. *Probabo, quod non sit pudica.*

Hyginus Augusti libertus in Astronom. 217. *Nonnulli di-
cunt, quod hac prima fuit Hercules concertatio. Et 221.
De ceto dicitur, quod à Neptuno sit missus, ut Andro-
medam interficeret.*

Ovid. 5. Trist. 1. *Delicias si quis lascivaque carmina qua-
rit, Præmoneo nunquam scripta quod ista legat.*

*Quo loco præterire non possum acutissimam Tusci Lucumenis
conjecturam, legendum scilicet, Præmoneo ne unquam
scripta cotista legat. Ab Ovidio scilicet didicerunt ho-
dierni Hetrusci Coteſto, quod significat Ille.*

Idem in epistola Sapphus in Vaticano codice:

*Huc ades inque sinus formose relabere nostros,
Non quod ames oro, sed quod amare sinas.*

*Jam ut syntaxeos ratio fiat perspicua, illud præcipue ani-
madver-*

malverendum videtur, in plerisque locorum istorum *ut*, pro *Quod*, nullo fere sensus discrimine usutari potuisse, velut ex his, quæ subijciam cognosci poterit.

Plaut. Amphit. act. 2. sc. 2. *Quis nisi vos narravit mihi, illic ut fuerit pralium? Audivi ut Pterelam regem tuum occideris.*

Ibidem Prologo: *Mos ille numquam meo fuit patri, ut exprobarct quod bonis faceret boni.*

Sic Mænece. act. 4. sc. 1. *An mors est ita hic, peregrino ut narrent fabulas?*

Idem Bachid. act. 2. sc. 2. *Scis tu ut confringi vas cita Samium solet.*

Idem Mostell. act. sc. 1. *Non verum loquere, ut quis absens absentem comesse possit.*

Idem Merc. act. 2. sc. 1. *Mihi illud videri mirum, ut capra uxoris dotem ambadederit.*

Idem Pæn. act. 5. sc. 2. *Si ita est, ut tu sis Iacchonis filius.*

Idem Amp. act. 1. sc. 1. *Factum est, ut ego illud vini ebiberim.*

Idem Trin. act. 2. sc. 2. *Factum est ut istud perierit.*

Cicer. 9. Attic. epist. 11. *De Domitio ita opinor esse, ut in Cosano sit & consilium ejus ignoretur.*

Idem 14. Attic. epist. 14. *Accedit, ut ne ipsum quidem Clodium meum insigne odium fuerit unquam, quomodo saepe Lucretius.*

Idem pro Sex. Roscio. *Non est verisimile ut Chrysogonus horum literas adamarit.*

Vatso 1. rei rust. 2. *Verum dicit ut ille hoc scripserit.*

Hygin. Astron. 195. *De Cassiopeia plures dixerunt, ut gloriata sit se forma Nereidas superare. Et 229. De Phaetonte plures scripserunt, ut patris curru vectus terras incenderit.*

Quinctilian. declam. 254 *Satis est ut nihil finxerit.*

Terent. Hec. act. 3. sc. 4. *Vovist si salvus domum redisset, ut me ambulando rumperet.*

Livius lib. 22. num. 53. *Ex animi sententia juro, ut ego rem-pub. non deseram.*

Ita discimus, eandem prorsus verborum esse sententiam, si quis dicat, *Narravit, Audivi, Scripsit, verum est; ibi fuisse*

fuisse pralium, ut fuerit ibi pralium: quod fuit ibi pralium. Similiter *Facile est vi hoc fiat, quod hoc fiat, & hoc fieri.* Voluit quod sacra faceret, ut sacra faceret, & sacra se facturum. Mos est hominum, quod obliuiscantur beneficia, ut obliuiscantur beneficia, & obliuisci beneficia. Satis est quod nihil sinxerit, ut nihil sinxerit, & nihil sinxisse. Iuravit quod faceret, ut faceret, & se facturum. Hoc ita stabilito proximum est; ut particula *Vt*, modum seu similitudinem cogitemus significari, ipsamque Relativam esse, qui particula *Sic*, vel *Ita* sive expressa, sive per ellipsin suppressa respondeat. Quod quidem ita *καθολικῶς* ac perpetuum est, ut etiam tum locum habeat, quando vel causam finalem, vel tempus, vel votum, vel abominationem vel hypothesin per particulam *Vt* exprimimus: quam rem quoniam vel summi in literis viri non nisi per caliginem intelligere se declarant, minime operam lusero, si distinctius singularum particulæ significationum exempla recitem, & nusquam non similitudinem una significari doceam. Sic enim de eo, quod fuerat nobis propositum, explorarius constitui poterit.

Causa ergo finalis aut Finis per *Vt* significatur in hoc Terentii Andr. act. 4. sc. 2. *Orare iussit hera si se ames, jam ut ad se venias*, pro ea causa orate ut venias. Sic quippe Plautus Stich. act. 2. sc. 3. *Nimis vellem hæc fores herum fugissent, ea causa ut haberent malum*, pro ea de causa, qua de causa haberent malum, sive *Qui*, id est, qua re haberent malum. Terent. Eun. act. 3. sc. 3. *Vbi veni, causam ut ibi manerem reperit.* Similitudinem verò hi significari & ad particulam *Sic* vel *Ita* suppressam fieri relationem, hinc perspicui potest.

Plaut. Stich. act. 1. sc. 2. *Amici mihi ita auctores sunt, ut vos hinc abducam.*

Ibid. act. 4. sc. 2. *Deliberavi cum amicis; ita mihi auctores fuere, ut me jugularem fame.*

Idem Capt. act. 4. sc. 2. *Ita dico, magnus ut sit ignis. Quin ita faciam, ut te cupias facere sumtum.*

Idem Bacch. act. 1. sc. 2. *Hæc ita me orat, ut aliquem hominem sibi reperiam, qui sibi carveat.* Et act. 2. sc. 2. *Veniat miles ita ne mihi sit mora, pro Ita ut ne sit.*

Idem Milit. act. 1. sc. 2. *Eum ita faciemus, ut quod vidit non viderit.*

Terent. Heaut. act. 4. sc. 1. *Nunc ita tempus est, ut cupiam filiam.*

Idem Adel. act. 3. sc. 2. *Qui in sui gremio positurum puerum dicebat: patres*

Ita obsecraturum, ut liceret sibi hanc uxorem ducere. Ita in Basilicano ac plerisque aliis codicibus legi Faernus testatur, qui non animadvertit Patris (quod in Bembi & Vaticano codice invenerat) esse priscum accusativum. Æschinus porro duos habebat patres, quos oraturus erat, Micionem & Demeam.

Cicer. 2. Tuscul. *Non sum ita hebes, ut ista dicam.*

Idem 13. famil. epist. 70. *Quia non est obscura tua in me benevolentia, sic fit, ut multi per me tibi velint commendari.*

Idem 5. Attic. epist. 11. *Nihil à me fieri ita videbunt, ut sibi sit delinquendi locus.*

Idem . . . *Plane ita faciunt, ut me unince diligant.*

Propert. lib. 2. eleg. 13. *Iussit & Ascreum sic habitare nemus, Non ut Pieria quercus mea verba sequantur, Sed magis ut nostro stupefiat Cynthia versu.*

Tempus significat eadem particula, quando idem quod Postquam valere vulgo dicitur, ut in hoc Ciceronis: *Is ut me salutavit, statim profectus est.* Verum & hic similitudinem adsignificari, & Sic vel Ita subaudiri, non est dubium.

Cicero . . . *Ille ut erat lena amictus, ita venit in concionem.*

Lucret. 3. *Tu quidem, ut es leto sopitus, sic eris aevi, Quod superest cunctis privatus doloribus agris.*

Liv. 21. *Saguntini ut à praeliis quietem habuerant per aliquot dies, ita non nocte, non die umquam cessaverant ab opere.*

Voti significationem habet Vt, quando pro Utinam usurpatur, ut in hoc Terentii Adel. *Vt te Syre magnus perdat Iupiter.* Sed nemo nisi indoctissimus dubitaverit, quin subaudiat, *Ita oro vel precor:* nam pro Ut, sæpe Quotpositum legimus, qui est ablativus, in quo subauditur *Modo*, quasi esset *Hoc modo precor, quomodo Jupiter te perdat, id est, ita te perdat, ut ego precor.*

Terent. Andr. act. 2. sc. 1. *Fac qui detur tibi: ego id agam, mihi qui ne detur.*

Idem Phorm. act. 1. sc. 2. *Quidam Phormio, qui illum Dii omnes perdunt.*

Plaut. Rud. act. 4. sc. 4. *Qui te Dii omnes perdant, qui me hodie oculis vidisti tuus.*

Idem Trin. act. 4. sc. 2. *Hem istic erit, qui istum Dii perdant.*

Ennius Telepho: *Qui illum Dii deaque magno mactassint malo.*

Hoc autem loco observationem meretur, pro *Qui*, vel *Ut*, etiam *Quod* rectè usurpari, ut integrior oratio sit: Ita Deum precor ut te perdat, qui tibi det in alium, quod tibi malum duit. Cujus syntaxeos rationem mox videbimus: interea de usu hinc constabit.

Plaut. Pseud. act. 4. sc. 7. *Strenui damno mihi, improbi usui sunt. S I. malum quod tibi Dii dabunt, qui sic scelestus es.*

Idem Mostell. act. 3. sc. 1. *Malum quod isti dii deaque omnes dunt, Ita mea consilia pervertit penissime.*

Jam Abominationem particula *Ut*, exprimi vulgo censent, cum eam post verba timoris negandi vim habere contendunt. Terent. Andr. *Metuo ut subijet hospes.* Id enim valere ajunt, Puto hospitem non substitutum, idque abominor & evenire nolim: sicut eadem fabula act. 2. sc. 2. *Tu Pamphile times, ne ducas; tu autem Charine: ut ducas uxorem.* Verum satis jam planum fecit Sanctius, *Ut* nihil aliud, quam similitudinem hic significare, quodque de negatione dicunt, perspicuè falsum esse: nam pro *Ut* nullo sensus discrimine *Quomodo*, vel *Quemadmodum* dicere licet, & cum negare volumus, negandi particulam exprimimus. Verbi gratia,

Cicer. 10. famil. epist. 10. *Timeo quemadmodum hac explicari possint.*

Idem pro Milone: *Esset verò timendum, quonam modo id ferret civitas.*

Lib. 4. ad Heren. *Tametsi vereor, quomodo accepturi sitis.*

Idem pro Marcel. *Vereor, ut hoc intelligi non possit.*

Idem Tusc. 2. *Veremur, ut hoc natura non patiat.*

Cæsar bell. Gall. lib. 5. *Labienus veritus si ex hibernis fu-*

*ga similem profectiorem fecisset, ut hostium impetum scire
stinere non posset.*

Quintilian. lib. 8. cap. 3. *Vocabulum Oppido, quo sunt usi
paulum tempore nostro superiores, vereor ut non jam fe-
rat quisquam.*

Hora. 1. Sat. 3. *Nam ut ferula cadas meritum maiora sub-
ire verbera non vereor.*

Verum quidem est, plerumque *Vereor ne non possit*, vel *Ve-
reor ut possit*, pro *Vereor ut non possit*, in auctoribus inveniri :
cujus simile quiddam in aliis quoque generibus usuvenit.
Verbi gratia: Eodem sensu dicitur: *Carve ut credas, carve cre-
das, carve ne credas, & carve credere. Vetas me flere, vetas ut
fleam, vetas ne fleam.* qua de re alias videro, nunc satis sit mo-
nuisse, *Vt* in istis modum significare sive affirmare eam; sive
negare statuamus, quod ipsum non minus sit, ubi *Vt* cum a-
liis verbis jungitur, aut junctum intelligitur. Tanquam

Plaut. Epid. act. 1. sc. 1. *Id modo videndum est, ut mate-
riesuppetat scutariis, si in singulis stipendiis is ad hostes
exurias dabit.*

Cic. 7. Attic. epist. 14. *De mulieribus vide ut satis honestum
nobis sit, eas Roma esse, cum catera ulla dignitate discesse-
rint.*

Idem 14. fam. epist. 14. *Si famine vestri similes Roma non
sunt, videndum est, ut honeste vos esse possitis. Ita om-
nes libri, quibus invitis Verendum reponere stultitia
est.*

Ibid. epist. 18. *Videte ne non liceat exire cum velitis.*

Idem de Fato: *Vide ne non eadem illorum causa sit & Stoi-
corum.*

Varro lib. 9. de ling. lat. *Non tam hanc partem ab illa divi-
dendum, quam illud videndum, ut satis sit verecundis
etiam illam in eandem arenam vocare pugnatum.*

Idem 2. rei rust. 4. in fine: *Cum circumspiceret Atticus, ne
quid praterisset, Hoc silentium, inquit, vocat alium ad
partem.*

Senec. epist. 98. *Calamitosus est animus futuri anxius, qui
sollicitus est, ut ea, quibus delectatur, ad extremum us-
que permaneant.*

Plaut.

Plaut. Captiv. act. 1. sc. 2. *Ad alios captivos meos visam, ne hac nocte quippiam turbarerint.*

Idem Persa act. 1. sc. 2. *Visam hesternas reliquias, quieverint-ne recte, num insuerit febris, oportane fuerint, nequis obreptaverit.*

In horum locorum aliis satis platum est, *Ut* significare *Quemadmodum*, in aliis una cum *Ne* subauditur, ctsi *Ne* pro *Num* quoque accipi videtur posse. Sed ut ad Abominationis significationem redeam, eam non minus per *Quod*, quam per *Ut* exprimi posse, hic Plauti versus nos docet Asin. act. 2. sc. 1. *Quid illuc, quod exanimatus currit huc Leonidas? metuo quod illic obscnavit mea fallacia*, id est, metuo ne ille fallaciæ, quam pæro, malum omen attulerit, sicut idem Milit. act. 2. sc. 6. *Nunc pol metuo ego, ne quid infuscarerit.*

Tandem Hypothesin vel conditionem *Ut*, significat cum per *Etsi*, *Quamvis* vulgo explicatur, velut in hoc Ovidii: *Ut desint vires tamen est laudanda voluntas.* Et in isto Cic. *Ut summa haberem cetera, temporis certe vix satis habui.* Hæc, ut ego absim, nihilominus consici possunt. In his porro concisa est oratio, cum subaudiatur, *Fac ita*, vel *Da*, vel *Pene*, vel *Ita res esto*, ut Terent. Heaut. act. 5. sc. 2. *Ita ne tandem est, ut pater omnem animum patris ejecerit?* Et Massurius Sabinus apud Agellium lib. 4. cap. 20. *Cur ita est, ut tu sis quam equus curatior?* Non minus autem per *Quod* Hypothesin significari, multis auctorum locis demonstrari potest, quorum nonnulla hic placet subicere, sic enim id quod recepimus, multo minore negotio lectori probabimus.

Plaut. Asin. act. 4. sc. 1.

Alienum hominem intromittat neminem

Quod illa aut amicum aut patronum nominet,

Aut quod illa amica sua amatorem pradicet.

Fores occlusa omnibus sient, nisi tibi.

Quod illa dicat peregrè allatam epistolam,

Ne epistola quidem ulla uspiam sit in adibus.

Idem Aulul. act. 1. sc. 2.

Cavè quemquam alienum in ades intromiseris.

Quod quispiam ignem quarat, extinguì volo.

Idem Milit. act. 2. sc. 2.

Quemque à milite hoc videritis hominem in nostris tegulis

Extra unum Palastrionem; hunc deturbatote in viam.

Quod ille gallinam aut columbam se sectari, aut siniam

Dicat, disperistis, ni usque ad mortem male multassitis.

Terentius Eunuc. act. 4. sc. 7.

Sane quod tibi nunc vir videatur esse, hic nebulo magnus est.

Ibid. act. 5. sc. 9.

Si in platea hac te offendero post umquam, quod dicas mihi,

Alium quarebam, iter hac habui: periisti.

Cic. in Pison. Nam quod iste vobis tantummodo impudens & audax videatur, nihil scitote esse luxuriosius.

Idem 11. Attic. epist. 9. Literas Quinti fratris ad te remisi, quas si putabis illi ipsi utile esse reddi, reddes: nihil me laudent.

Nam quod ob signata sunt, habet, opinor, ejus signum Pomponia.

Idem 2. Attic. 6. Quod tibi superioribus literis promiseram, fore ut opus exstaret hujus peregrinationis: nihil jam magnopere confirmo.

Idem 3. Attic. 13. Quod ad te scripseram, me in Epiro futurum: posteaquam extenuari spem nostram vidi, mutavi consilium.

Propert. lib. 3. eleg. 1. Quod non Tenariis domus est mihi fulta columnis; At Musa comites, at carmina cara legenti. Pro quo Lucretius & Virgilius dixerunt: Si non, at, pro Et si non, tamen.

Ovid. Illa quod est virgo, quod tela Cupidinis odit, Multa dedit multis vulnere, multa dabit.

Idem epist. Helenæ: Quod bene te jactes, & fortia facta loquaris: A verbis facies dissidet illa tuis.

Auctor liberi carminis: Quod sim ligneus, ut vides, Priapus, Prendam te tamen & tenebo pensam.

Ex istis discimus, Ut & Quod sæpissime eandem significandi vim habere, quemadmodum in istis quoque usu venit, quæ multo videbuntur insolentiora.

Plaut. Milit. act. 2. sc. 2. Ferit femur ita vehementer, quod tactui egre suppetit.

Idem

Idem Merc. Act. 3. sc. 1. *Magis est quod rideas, quam ut lamentere.*

Idem Curc. act. 2. sc. 3. *Facite ventum ut gaudeam.*

Terent. Phorm. act. 5. sc. 2. *Vin' facere quod ego gaudeam, quodque viro tuo oculi doleant.*

Cic. 7. famil. epist. 10. *Est quod gaudeas te in ista loca venisse.*

Valer. Maxim. lib. 4. cap. 7. num. 3. *Adeo blando uteris imperio, quod is supplicium honori prastulerit.*

Cælius ad Cicer. 8. famil. epist. 3. *Hoc usque eò suave est, quod tota vita risus nobis deesse non poterit.*

Nunc ut ratio Syntaxeos, quam investigamus, expediri possit, in primis animadvertendum venit, *Ut* particulam similitudinis significandæ vim habere, adeoque ad antecedens *Ita*, vel *Sic*, vel *Ad eum modum*, *Ad id exemplum*, vel ad *Eo modo*, *Eo pacto*, tamquam ad correlatum suum (ut Logici loquuntur) referri, sive aliquod correlatum sit expressum, sive per ellipsin suppressum. Expressi exemplum est in hoc Catonis de re rust. cap. 78. *Ad eundem modum facito, ut placeant sine melle*, pro quo figuratè dixisset: *Facito ut placeant*. Et in hoc Plaut. Mercat. act. 2. sc. 1. *Non ita amo, ut sani solent homines, sed eodem pacto, ut insani solent. Amavi hercle e quidem ego olim in adolescentia: Verum ad hoc exemplum nunquam, ut nunc insanio. Ubi Eodem pacto, & Ad hoc exemplum per figuram omitti poterant. Et in hoc ejusdem Bacch. act. 5. sc. 2. Scin' quo pacto me ad te introducas? B. me eum ut sis, pro Eo pacto ut mecum sis, sive Ita ut mecum sis. Et Capt. act. 4. sc. 1. Eodem pacto, ut Comici servi solent, conjiciam in collum pallium. Et Rudent. act. 4. sc. 7. Nullus erat illo pacto, ut illi jusserant. Suppressi correlati exempla passim sunt obvia, quorum non pauca supra recitavimus, velut Plauti: *Factum est ut istud perierit. Narravit mihi, ut illic fuerit pralium. Audi vi ut regem occideris.* Ejusdem est hoc Pers. act. 1. sc. 1. *Facere amicum tibi me potes sempiternum. S. quemadmodum? T. ut mihi des nummos sexcentos mutuos.* Subaudimus, *Ad hunc modum*, quod est *Ita*. Et Trinum. act. 3. sc. 1. *Quomodo tu istuc dixisti Lesbonicum suam sororem despondisse? hoc modo?* Unde intelligimus, si dictum fuisset: *Dixisti ut Lesbonicus so-**

rorem desponderit : subaudiendum *Hoc modo* quasi esset ! *Ita dixisti* , ut desponderit.

His ita suppositis ac præmunitis in mentem nobis veniat , pro *Quis modus* Latine dici solere, *Quid modi*, ut Afri. act. 5. sc. 2. *Quid modi pater amplexandi facies?* Et ibid. act. 1. sc. 3. *Qui modus dandi? Quid modi est amandi?* pro quo Merc. act. 3. sc. 4. dixit: *Quis modus tibi exilio tandem eveniet? qui finis fuga?* Pariter proinde pro *Is modus*, recte dicemus *Id modi*, sicut *Id loci* pro *Is locus*, *Id causa* pro *ea causa*. Ergo si *Id modi* sive expressum, sive suppressum antecessit, recte *Ad quod* & per ell. pfin *Quod* subicitur, cujus exemplum est in hoc Plauti Aulul. act. 1. sc. 2. *Me causa quid sit, quod te quisquam queritet*, pro *Ob*, sive ad quod causæ: pro quo dici poterat: *Ne causa quid sit, ut te quisquam queritet*. Quomodo Cic. pro domo: *Ne quid esset, ut lugerent boni semper*, pro *Ne quid esset causæ*. Et Ovid. 3. Trist. 4. *Quid fuit, ut tutas agitaret Deda-lus alas, Icaras immensas nomine signet aquas*. Pro quid causæ seu quæ causa fuit cur, vel ob quam. Nam *Vt*, est *Quo modo*, *Modus* autem per Tropum significat alias *Finalem causam* (ex quo *Finis* & *Modus* sæpe idem significant, unde Cic. *Modum faciam*, pro *finiam epistolam*, & *Modum ac finem orationi facere*) alias *efficientem* propter quam quid sit. Plaut. Pseud. act. 4. sc. 3. *In metu sum triplici modo*, id est, tribus de causis, ex quo intelligimus, quomodo *Vt*, post verba timoris causæ significationem habeat. Terent. Phorm. act. 3. sc. 1. *Enimvero Antipho multis modis cum istoc animo vituperandus es*, pro *Multis de causis*. Et Hecyr. act. 2. sc. 3. *Filium multis modis jam expecto ut redeat domum*. Ubi si cum Plauto dixisset, *Triplici modo filium expecto ut redeat*, nemo dubitaret quin *Vt*, esset *Quomodo* seu *Qui*. Ita planum fit, quæ in istis sit constructio. Terent. Andr. act. 2. sc. 5. *Sed est quod succenset tibi*, pro *Est aliquid causæ*, sive *Est aliquid negotium* propter quod succenset. Idem Hecyr. act. 2. sc. 2. *Est quod me transire ad forum jam oportet*. Plaut. Rud. act. 2. sc. 6. *Bonam est quod habeas gratiam merito mihi*. Cic. 4. Attic. epist. 8. *Ignoro quid sit, quod se à me removit*. Plaut. Stich. act. 1. sc. 2. *Hoc est quod ad vos venio, quodque esse ambas conventas volo*. Nimirum figuratæ sunt id genus locutiones, propter duplicem ellipfin.

ellipsin. Prius enim subauditur *Aliquid vel Illud Causa* aut *negotium*. Deinde præpositio *Ad* supprimitur, à qua *Quod* accusativus regitur. *Ad*, portò alias Finali (ut Scholarum lingua loqui pergam) alias Impulsivæ causæ significandæ servit. Finis significatur in istis: Cic. *Gladiatores emit ad eadem. Ad memoriam sempiternam. Ad quid laboramus res Romanas?* & per ellipsin, *Quid frustra laboramus?* Livius: *Ad fidem tantarum rerum effundi annulos iussit.* Impulsiva in istis: Cic. *Qua mihi à te ad timorem amantissime proponuntur.* Livius: *Cum abacta boves ad desiderium relictarum mugissent.* Prop. *Panditur ad nullas janua nigra preces.* In hoc ergo Lentuli ad Ciceronem 12. famil. epist. 14. *Quod huc properent venire, causam non habent*, pro *Ad* quod negotium, finis significatur, qui non minus per *Vi*, vel *Cur*, vel *Quare*, vel *Quamobrem* exprimi poterat, ut Terent. Hecyr. act. 3. sc. 3. *Causam vides, quamobrem hac à te abierit.* Cic. 13. fam. epist. 7. *Non erat causa, cur à te aliquid contenderem* Et Heren. 2. *Causam ostendemus Ulyssi fuisse, quare interfecerit Ajacem.* Terent. Eunuc. act. 3. sc. 3. *Vbi veni, causam ut ibi manerem reperit.* In isto vero Ciceronis 7. Attic. epist. 9. *Si ob eam causam, quod ratio ejus non habeatur, exercitum adducat*, pro *Ad* quod causæ, sive ad quod nomen: causa propter quam, sive impellens significatur: quo ipso sensu dici quoque poterat: *Si exercitum adducat, id quod ratio ejus non habeatur.* Sic quippe non semel Terentius, Cicero & Livius loquuntur, idque Paulus Manutius sibi notavit. Est autem imminuta ac per ellipsin concisa oratio, quæ sic foret integra: Si ad id nomen exercitum adducat, ad quod nomen ratio ejus non habeatur. Ubi *Nomen* pro *Causa* ponitur, sicut in illo Virgilii: *Quo nomine laesa, Quidve dolens regina Deum.* de quo in Paradoxis literariis epist. 7. plura disputavimus. Sæpius autem *Quod* ponitur pro *Ad* quod negotium rei, ad quod rei, vel ad quod modi. Plaut. Amph. act. 1. sc. 3. *Quid istud est negotii, quod tu tam subito domo abeas*, pro *Ad* quod sive ob quod abeas. Terent. Andr. act. 4. sc. 3. *Si quid est quod mea opera opus sit vobis*, pro si quid est negotium ad quod opus sit. Plaut. Afin. act. 1. sc. 1. *Scio quod filius meus amet meretricem*, pro scio ad quod modi amet, scio modum, ad quod modi amet,

met, sive quemadmodum amet: sicut Bacchid. act. 3. sc. 3. *Ego omnem rem scio, quemadmodum est*, pro Ad eum modum rem scio, ad quem modum est. Cujus generis plena oratio est ista Vitruvii hb. 6. cap. 1. *Reliquæ regiones ad eum modum temperata, quemadmodum calum est ad inclinationem mundi collocatum.* Similiter in hoc Varronis lib. 1. rei rust. 2. *Verum dicit, ut ille hoc scripserit*, pro *Ut* dici poterat *Quemadmodum*, vel *Quomodo* aut *Quo pacto*: nam & ita Plautus Capt. act. 2. sc. 3. *Dicito patri, quo pacto mihi convenerit de filio*, pro *Dicito modum seu pactum*, quo pacto convenerit. Si dixisset: *Dicito, quod mihi conveniret*, esset, dicitio pactum, ad quod pactum convenerit. Ita Plaut. Merc. act. 4. sc. 4. *Miraris, quod cocus hæc attulit*, pro *Miraris modum*, ad quod modi cocus hæc attulit: nam eodem sensu dici poterat, *Miraris, ut hæc cocus attulerit.* Quomodo eadem fabula act. 2. sc. 1. *Mihi illud videri mirum, ut capra simia dotem ambaderit*, pro *quomodo ambaderit*: velut Laberius Casulero: *Miror quomodo mamma mihi descenderunt.* pro *Miror modum*, quo modo descenderunt. Itaque *Miror quod descenderunt*, est *Miror modum*, ad quod modi descenderunt, ut *Quod* significet idem prorsus quod *Quemadmodum*, cujus illustre exemplum est hoc Ciceronis 13. famil. epist. 40. *Si ulla umquam apud te mea commendatio valuit, quod scio multas valuisset plurimum, hæc ut valeat rogo.* Hic enim *Quod* est *Ad quod modi*, sicut etiam in isto Plauti Aulul. act. 2. sc. 5.

Hic apud nos magna turba ac magna familia est,

Supellex, aurum, vestes, vasa argentea.

Voi si perierit quippiam (quod te scio

Facile abstinere posse, si nihil obviam est)

Dicant Coci abstulerunt, comprehendite.

His duobus exemplis jam triginta duo sunt anni cum vocis *Quod* usum publicè ostendi, sed Rationem neque ipse tum vidi, neque quisquam eorum, qui, quod à me didicerant, tamquam suo marte inventum, in libros suos retulerunt. Dehinc nihil erit caliginis, non modo in isto, quod hoc loco monui, sed neque in multis aliis loquendi generibus, ubi *Quod* per ellipsin præpositionis significat *In quo*, vel *de quo negotio*, vel *Quantum attinet ad negotium præsens*, sive *de quo sermo est*,

est, velut ex subjectis exemplis intelligi poterit.

Terent. Eun. act. 2. sc. 1. *Munus nostrum ornato verbis, quod poteris; & istum amulum, quod poteris, ab ea pellito, pro Ad quod poteris, quoad poteris, In quantum poteris.*

Idem Heaut. act. 3. sc. 1. *Quod potero, adjutabo senem.*

Idem Andr. act. 1. sc. 5. *Hujus formam atque atatem vides, nec clam te est, quam illi nunc utraque inutilis & ad pudicitiam & ad rem tutandam sit. Quod ego te per hanc dextram oro, ne abs te hanc segreges, neu deferas.*

Idem Hecyr. act. 3. sc. 2. *Male metuo, ne Philumena magis morbus aggravescat, quod te Æsculapi, ne quid sit hujus, oro. Ubi perperam Muretus, Quod ἀπολογικῶς pro Propter quod dictum interpretatur, cum sit Ad quod negotium quantum attinet.*

Idem Adel. act. 3. sc. 2. *Nunc illud est, quod si omnes omnia sua consilia conferant, auxiliis nihil afferant, pro Nunc illud est tempus, ad quod nihil afferant auxilium: nam Ad, in tempore significando usui esse solet, ut Phorm. act. 3. sc. 2. Tibi est olim dies, ad quam dares, praestituta. Cic. Venit ad id tempus, quod scribis. Ad Ianuarium te expectamus.*

Idem Heaut. act. 1. sc. 1. *Hac inter nos nupera notitia ad modum est, inde adeo quod agrum hic in proximo mercatus es, pro Inde ab eo tempore, ad quod tempus mercatus es.*

Plaut. Amphit. act. 1. sc. 4. *Iam diu est, quod ventri victum non datis. Iam pridem videtur factum, quod homines quatuor in soporem collocastis, pro Ad quod tempus.*

Cic. 7. fam. epist. 28. *Memini quod mihi desipere videbare, pro Memini tempus illud ad quod videbare desipere. Vel, Ad cum modum memini, ad quod modi.*

Idem 14. fam. epist. 4. *Cum omnia mihi tempora sunt misera, tum vero cum scribo ad vos, conficior lacrymis sic, ut ferre non possim. Quod utinam vita minus cupidius fuisset, certe nihil in vita mali vidissemus. Quod si nos ad aliquam spem fortuna reservavit, minus est erratum a nobis. Hic bis Quod valet Ad quod negotium, id est, ad quod negotium, live ad quam rem quod attinet. Fallitur*

Manutius,

Manutius, qui *Quod* per *Sed* cum hic, tum alibi positum ait. Alicubi n. ridicula fieret oratio, si quis *Sed* pro *Quod* reponeret. Ita Ter. Phorm. act. 1. sc. 3. *Rogas, qui tam audacis facinoris mihi sis conscius? Quod utinam ne Phormioni id suadere in mentem incidisset.* Pati modo *Quod* ni, vel *Quod* nisi, *Quod* si, *Quod* etsi, *Quod* ne, *Quod* cum, *Quod* ubi, *Quod* nunc, *Quod* quoniam, *Quod* quia, *Quod* id, apud optimos auctores legimus, in quibus semper *Quod* refertur ad præsens negotium. in eoque præpositio *Ad*, subauditur, adeoque nihil horum in principio orationis, ubi nihil sit quod præcellerit, rectè usurpatur.

Cic. *Quod* ni ita putarem, ipse perscriberem. Et Terent. Phorm. act. 1. sc. 3. *Adeon' rem rediisse, ut patrem extimescam, ubi adventi ejus in mentem venit? Quod* tu fuisset incogitans, ita eum expectarem, ut par fuit.

Ita etiam Lueret. & Livius.

Idem de Finib. 4. *Quod* etsi ingenii magnis præditi quidam dicendi copiam sine ratione consequuntur: ars tamen est dux certior, quam natura.

Idem in Lucullo: *Quid* ergo est, quod percipi possit, si ne sensus quidem vera nunciant? quos tu Luculle communi loco defendis. quod ne id facere posses, iccirco heri non necessario loco contra sensus multa dixeram: Hoc ita imitatur Apulejus: *Quod* ne vobis videar poetico ritu incredibilia fingere, dabo exemplum.

Idem lib. 1. in Verrem num. 26. *Simul* servis suis Rubrius, ut januam clauderent, imperet. *Quod* ubi Philodamus intellexit id agi, ut filia sua vis afferretur, servos suos ad se vocat.

Cæsar belli civil. 2. de Massiliæ obsidione: *Porta*, quibus locis videatur, eruptionis causa in muro relinquuntur. *Quod* ubi hostes viderunt, ea qua longo spatio refici non posse sperassent. paucorum dierum labore refecta esse, ad easdem deditionis condiciones recurrunt.

Idem belli civil. 3. *Munitionem* cohortes ignorantia loci sunt secuta, cum portam quærent castorum, quod eam munitionem esse arbitrarentur. *Quod* cum esset animadver-

sura

*sum conjunctam esse flumini, protinus his munitionibus
defendente nullo transcenderunt.*

*Livius lib. 41. num. 10. Consul utrumque decedere provin-
cia iussit. Quod cum milites se consili dicto audientes fo-
re dicerent, cum is more majorum votis nuncupatis pro-
fectus ab urbe esset, furens ira catenas poposcit.*

*Cicer. 9. famil. epist. 15. Nam quod me amas (quod id &
jam pridem & constanter facis) est id quidem magnum,
sed tibi commune cum multis, pro Ad quod modi; seu
Quemadmodum id facis.*

*Idem extremo lib. 1. de Finib. Voluptatibus amicitia non
solum presentibus fruuntur, sed etiam spe eriguntur con-
sequentis ac posterius temporis. Quod quia nullo modo sine
amicitia firmam jucunditatem vita tenere possumus, ic-
circo amicitia cum voluptate connectitur.*

*Cælius 8. famil. epist. 14. Neque mearum rerum quid con-
sili capiam reperio. Quod non dubito quin te quoque hæc
deliberatio sit perturbatura.*

Lucret. lib. 1. vers. 221.

*Quod nunc aeterno quia constat semine quaque,
Nullus exitium patitur natura videri,*

Et vers. 501. — parvissima quæ sunt,

Ex infinitis constabunt partibus aque.

*Quod quoniam ratio reclamat vera negatque,
Credere posse animum, victus fateare necesse est,
Esse ea, quæ nullis jam prædita partibus extent.*

VIRO CLARISSIMO

LUCÆ HOLSTENIO

Hamburgensis Ecclesiæ Præposito

MARIANGELUS AFANO

BENEDICTI S. P. D.

ET si te literarum Græcarum & Latinarum hoc nostra
ætate cum primis peritum bonorum auctorum lectio,
mul-

multaque tam versa, quam profla oratione scribendi exercitatio nihil de iis, quæ rectè, ac secus latinè dicuntur, ambigere patitur: nequaquam tamen dubito, quin idem ipsum tibi, quod aliis maximi in literis nominis, usuveniat, ut te occultas eorum causas, quæ Latini sermonis fert consuetudo, *Grosippo* facem prælucente penitus convivere delectet. Cum enim scire natura jucundum sit, nihil vero sciri possit, cuius causa ignoretur, fieri omnino nequit, quin etiam ubi rem quampiam noris, ejus causam discere gaudeas, ea vero ignorata imperfectum ex rei notitia fructum capias. Inter alia vero multa loquendi genera, quorum rationem ante *Grosippum* nemo expedire scivit, nosti esse illud *Visum ire & iri*, ubi *Grosippus* duplicem ellipsin esse monuit, ut plena regularique syntaxi consentanea sit oratio, *Viam ire vel iri ad visum*, hoc est, ad videndum. Huic porro consequens est, ut in *Catonis* loco, quem *Agellius* recitat, legendum sit: *Contumelia quam mihi per huiusmodi petulantiam factum itur*, non ut *Agellius* alucinetur: *Qua mihi factum itur*. Rationes *Paradoxo* ejus secundo pag. 13. & *Grammaticæ* pag. 132. visas tibi esse non dubito, quibus addas licet, cum *Plautus* in *Amphitruonis* Prologo dixerit: *Iustam remoratum à vobis veni ei*, qui roget, *Ad quid venit?* rectè responderi, *Rem justam oratum venit*, nam *Accusativus* ab *Oratum* regitur, & Verbi *Finiti* *Venit* suppositum subaudimus, quod est *Adventus* seu *Venire*. Nemini proinde dubium esse potest, quin rectè quoque dicam, *Rem justam oratum itur*, & *Rem justam oratum iri videtur*. pro ad orandum rem justam iri videtur, nempe *Iter* seu *Viam*. Est autem *Tropus* duplex in hoc genere, *Via itur oratum*, sive ad orandum, pro *Orabitur*, seu per periphrasin, *Erit ut oretur*: nam *Viam ire, tendere, intendere aut insistere*, pro *Velle* aut *Conari* per *Metaphoram* dicitur. Sed *Velle facere* pro *facere* est *Metonymia* causæ pro effecto, cum *Voluntas & Facultas actionum* causæ sint, qua de re *Grosippus* in *Propædia Rhetorica* agit copiosius. Jam satis tibi apparere opinor, rectè dictum esse, *Rem justam oratum veniri videtur*, non *Res justa*, quoniam, ut dixi, *Rem justam* regitur ab *Oratum*. Similiter itaque & *Rem justam oratum iri videtur*, dicendum est, non

Res

Res justa. Sensus quippe est, *Iri videtur à legatis, ut orent rem justam*, prorsus ut si dictum sit: *Ire videntur legati oratum rem justam.* Atque hinc planum fit apud Fabium legi oportere, *Reum parricidii damnatum iri videbatur*, nempe à Judicibus, hi scilicet ire videbantur, ut damnarent parricidii reum. Perinde ergo est ac si dicas: *Ad damnandum parricidii reum iri videbatur.* Neque vero quicquam negotii Grosippo facessit, quod apud Ciccionem de Inventione 2. quo loco de Controversia scripti & sententiæ agit, hoc modo legitur: *Si ipsa separatim ex se verba considerentur, omnia aut pleraque ambigua visum iri.* Deest enim verbum *Esse*, ut integra oratio sit: *Visum iri omnia verba esse ambigua*: quo exemplo & Plinius lib. 7. cap. 1. *In quibus prodigiosa aliqua multis visum iri haud dubito*, pro *Viam iri ad visum* (id est, ut videatur, hoc est, fore ut videatur multis) aliqua esse prodigiosa.

Obscurissima quoque, vel doctis est dicti ratio in hoc Terentii Hecyr. act. 5. sc. 1.

Iam ea aetate sum, ut non sit peccato mihi ignosci æquum. Donatus putat aut deesse *In*, ut sit in peccato, aut *Peccato mihi* positum pro *Peccanti mihi*. Sed in utroque alucinatur. Adrianus Behotius Apophoret. lib. 1. cap. 8. rectè interpretatur *Peccato, si peccatum sit.* Ratio vero syntaxeos Grosippo docente hæc est. In *Peccare*, nisi externus addatur accusativus, internus aut formalis subauditur, nempe *Peccatum*, quomodo Græci ἀμαρτεῖν, ἀμαρτίαν aut ἀμαρτήματα, cujus accusativi vim habet verbum infinitum, ut si dicam *Peccavit peccare*, sicut Nominativi in isto, *Peccare peccatum est.* In Ablativo porro, qui vulgo *Absolutus* aut *Consequentia* perhibetur, præpositionem *A* subaudimus, quæ idem quod *Post* significat, ut *Urbe condita* pro ab Urbe condita, id est, post conditam urbem. Livius lib. 23. 36. *Ab re bene gesta latum exercitum.* Et lib. 4. 41. *Mastra civitati ab re male gesta Posthumius reus obiectus.* Ovid. 2. Trist. *Hic tibi sic redeat superato victor ab hoste.*

Lucan. 1. ———— *Moremque sinistrum*

Sacrorum Druida positus repetitis ab armis.

Jam ergo *Peccato est A Peccato peccare*, hoc est, postquam peccare peccatum sit. Similiter in hoc Cicer. 2. Agrar. Cui

errato nulla venia, recte factio exigua laus proponitur. Sententia est, Postquam errare erratum, rectè facere factum sit. Et in isto Horatii:

Excepto quod non simul esses, cetera latus.

Sensus est, Postquam Excipere, quod non esses simul, exceptum sit. Neque tamen repugnat Grosippus, quin præpositio *In* subaudiatur, dum tamen *Post* significet ut in hoc Catulli:

Canabis bene, mi Fabulla, apud me

Paucis si tibi Dii favent, diebus.

quod est *post paucos dies.* Plaut. pæn.

Aruſpex dixit paucis diebus nos fore liberas. Propert.

Venturum paucis me tibi Luciferis. Idem:

At tu etiam juvenem spernis me perfida, cum sis

Ipsa anus haud longa curva futura die.

id est, propediem, post diem non longam. Præpositionem vero *In* desiderari in istis, multa auctorum loca nos docent. Terent. Andr. *In diebus paucis, quibus hac acta sunt, Chrysis moritur.*


pro post dies Paucos. Catull.

Si reditum retulisset is haud in tempore longo.

pro quo Virgil. *Respexit tamen, & longo post tempore venit.*

Cæterum quoniam in *Participia* incidi, quæ Grosippus distinctam ab aliis partem orationis esse negat, ac *Nomina Verbalia* esse contendit, sed quæ aliquod Verbi accidens participent, operæ videor pretium facturum, si quæ ille de nominibus verbalibus Grammaticæ pag. 145. disseruit, Synopsi quadam comprehensa oculis subjiciam.

SYNOPSIS NOMINUM VERBALIUM.



Ornatissimo & Eruditissimo Viro

OCTAVIO FERRARIO
 MARIANGELUS A FANO
 BENEDICTI S. P. D.

Cum multa doctores veteris Grammaticæ, quam *Cloacianam*, ut scis, Grosippus noster indigitat, maximis impedita difficultatibus tradiderint, tum haud scio quicquamne spinosius, quam de Relativorum Nominum, præcipueque Reciprocorum constructione præceperint, ut verè Crucem ingenilis ea in re fixisse videantur. Minime proinde vulgare hoc etiam Grosippi est beneficium, quo Latinarum literarum studiosos sibi devinxit, cum istam ingeniorum carnificinam sustulit, totamque hanc syntaxim perspicuè expedit. Erunt, fatis scio, qui subducto supercilio hanc ejus operam aspernentur, seque ea causa manum versuros negent, quippe quibus *ἀμυνία* sua cordi sit, omnis vero humanior literatura perinde ac subus amaracinum adversetur. His ego barbariæ cænum, cui adsueverunt, libens relinquo, ut procorum vice *Insatiabiliter toti volvantur ibidem.*

Tibi quidem hanc Grosippi præceptionem cognitu jucundissimam fore confido, ut qui præstans, quo polles, ingenium non Philosophicis modo ac Theologicis studiis tibi imbuedum, sed literarum quoque Græcarum ac Latinarum apparatus ornandum esse rectè statueris. Vale, nosque ama.

DE RELATIVORUM,
 præcipueque Reciprocorum Syntaxi
 PASCASII GROSIPPI
Admonitio.

DE Relativo generali vix attinebat quicquam præcipere, cum sit species Adjectivi, adeoque necesse habeat cum
 ante-

antecedente nomine expresso aut suppresso in numero & genere, vel certè in generis terminatione convenire, etsi Casu discrepet, cum sequente verò nomine expresso aut suppresso perinde ut quodvis adjectivum cum substantivo consentit: ut, *Odi hominem, qui simulatè loquitur*. Hic relativum *Qui*, cum antecedente nomine substantivo expresso, quod est *Hominem*, consentit in numero & genere, sed casu discrepat: cum sequenti verò nomine substantivo suppresso, quod est *Homo*, consentit in numero, genere & casu. Similiter in hoc: *Fuit quidam mercator, is navem fregit, qua vehebatur*. Relativum *Is*, cum antecedente & sequente nomine *Mercator*, consentit in genere, numero & casu. Sed relativum *Qua*, cum antecedente nomine *Navem*, convenit in genere, & numero, etsi Casu discrepet, cum sequente autem suppresso, quod est *Nave*, convenit in genere, numero & casu. Ceterum *Qua vehebatur*, non est regularis constructio, cum ablativi casus nomen cum verbo non concordet per ullam regulam, nec etiam ab ullo verbo regatur. Est ergo Figura, & quidem illa figuræ species, in qua aliquid deest, *Ellipsis* puta. Jam ex duodecim Maximis, sive Regulis capitalibus Syntaxeos constat, *omnem Ablativum à præpositione regi*. Deest ergo *A*, vel *In* præpositio, à qua *Nave* ablativus suppressus regitur, quæ jam altera Ellipsis est. Ex iisdem enim Maximis discitur, *omne Adjectivum habere suum Substantivum sive expressum, sive suppressum, cum quo concordet*. Sic *Non laudo, qui heros fallunt*. Relativum *Qui* cum antecedente nomine substantivo suppresso *Homines* convenit in genere & numero tantum, cum eodem sequente iterum suppresso in genere, numero & casu. Esse verò accusativum *Homines* per Ellipsin suppressum, ex Maxima illa intelligitur: *Omne verbum activum semper accusativum expressum aut suppressum regit*.

De Reciproco duplex est consideratio, nam vel de Constructione ejus præcipitur, vel de significatione. Quod ad Constrictionem attinet, quæ hujus loci est propria, alia est ratio Reciproci substantivi *Sui, sibi & se*: alia reciproci adjectivi *Suus, sua, suum*. Substantivum reciprocum cum antecedente nomine, quod refert, & in quod reflectitur, in numero convenit, etsi *sui, sibi & se* tam pluralis, quam singularis sunt

numeri, ut: *Nemo sui obliuiscitur. Omnes sibi sapiunt. Nemo se odit. Omnes sibi bene esse malunt, quam alteri.* Adiectivum reciprocum cum substantivo nomine secum conjuncto perinde ut alia adiectiva in genere, numero & casu convenit: ut, *Vliscuntur eum mores sui. Iubet salvare suus vir uxorem suam. Expectat te domi sua. Ille rerum suarum satagit. Non novit eum mater sua.*

De significatione Reciproci alterius loci est præceptio. Hoc loco duo inouisse satis fuerit. Alterum; *Suus* interdum significare idem quod *Proprius*: ut, *Iustitia suum cuique tribuit. Suo sibi gladio hunc jugulo. Ille suo sibi servit patri*, id est, patri proprio, qui ei sive sibi est suus. *Suam sibi rem salvam sistam, cum venerit*, pro rem, quæ ei sua est seu propria, quo exemplo & *Metus mihi* & *Tuus tibi rectè dixeris*: Plaut. Truc. *Vbi male accipiat mea mihi pecunia.* Et Cas. *Opinione melius res tibi habet tua.* Cic. 10. ad Attic. epist. 8. *Feram sicut multi clarissimi homines tulerunt: nisi me forte Sardanapali vice in suo lectulo mori malle censueris, quam exsilio Themistocleo.* Ubi *Suo*, valet *Proprio*, cui opponitur *Alienum*. Terent. Eun. *Viden' os suum, & cibis quid faciat alienus?* Alterum; Relationem antecedentis nominis tertie personæ; quod sit primum & præcipuum suppositum; indifferentet fieri per relativum commune & reciprocum, nisi sermo inde fiat ambiguus, nam vitandæ ambiguitatis causa alias Reciproco, alias quocunque Relativo nomine antecedens refertur; cum constructionis, utro quis utatur, nihil interfit. Ut Cor. Nepos: *Antonius non solū Ciceroni, sed etiam omnibus suis amicis erat inimicissimus*, pro *Ejus*, id est, Ciceronis. Idem: *Amici absentes in eorum periculis cura erant Attico*, pro *Suis*, nempe Amicorum. Idem: *Cicero prædixit, quæ vivo se acciderunt*, pro *Eo vivo*. Livius: *In Pauli domo præter se nemo superest*, pro *Præter ipsum*, pro *præter ipsum*. Plaut. Capt. *Numquam ei servus fuit præter se.* Idem Milit. *Si quid malitiosè faciendum est mulieri, ea sibi immortalis memoria est meminisse*, pro *Ea illi*. Ibid. *Excruciat me herus, quia hæc sibi non dixerim*, pro *Ipsi*. Idem Trin. *Malus bonum malum esse vult, ut sit sui similis*, pro *Ipsi*. Ibid. *Cognatis dicam; bona mea inter eos partiantur*, pro *inter se*. Cato de re rust. cap. 37. *Vitis si matra erit, sar-*
mentum

menta sua concidito minute, pro Sarmenta ejus. Cicero: V-
ciscuntur illum mores sui. Eum mores ipsius convincunt. Idem:
Quid arbitramini Rheginos mereri velle, ut ab eis marmorea
Venus illane auferatur? pro Ab se. Idem: Camillus scripsit
te cum eo locutum, pro secum. Alcon. in Milon. Pompejus
fuerat familiarissimus Clodio & sectam suam sequi se palam
profitebatur, pro sectam ejus. Ovid. Ecce rogant tenera sibi
dem precepta puella, pro Iplis. Vellejus: Alexander à Lysippo
impetravit, ut casorum equitum faceret statuari, & ipsius quo-
que iis interponeret, id est, Alexandri: nam si suam dixisset,
fuisse ambiguum, de Alexandri, an de Lysippi statua loque-
retur. Cæsar: Helvetii per suadent Rauracus, ut una cum iis
proficiscantur, pro secum una, id est, cum Helvetiis. Idem:
Allobrogibus persuadent, ut persuos fines eos ire patiantur, pro
Ut se Helvetios per fines suos, id est, ipsorum Allobrogum
ire patiantur. Idem: Pompejus rescripsit, non suo consilio aut
voluntate Domitium se Corfinium contulisse, pro Non ipsius
Pompeji consilio. Cæcina: Cæsar irascitur ei, qui aliquid scri-
psit contra voluntatem suam, pro Ejus, nempe Cæsaris. Idem:
Ignovit omnibus, qui multa Deos venerati sunt contra ejus sa-
lutem. Cicero. Dionysius Amasium suum interfici jussit, quia
viam demonstravisset interimendi sui, pro Iplius, nempe Diō-
nyfii. Idem: Pythius piscatores rogavit, ut ante hortulos suos
piscarentur, pro Iplius.

Nobili & Studioſa Adolescentulo

P E T R O P A U L O

C A R A V A G I O.

M A R I A N G E L U S A F A N O.

B E N E D I C T I S. P. D.

Q Uæ in Alvari de syllabarum quantitate præceptiones
 Grosippi qua monitis, qua libris adjunctis nuper anno-
 tavi, dono tibi nunc mitto, in monumentum amicitiae nostræ
 meique erga te studii pignus. Non quidem auctor tibi esse

velim, ut in scribendis versibus quicquam hoc tempore ab Alvari regulis, quas memoriæ jam mandasti, recedas. Ubi tamen cum ætate iudicium confirmaveris, plusne Grammaticorum placitis, quam magnorum poetarum exemplo tibi standum sit, nemine quamvis monente tua sponte constitues. Vale.

MARIANGELI A FANO BENEDICTI

Annotationes in Alvarum de Syllabarum dimensione.

(a) I, & V vocalibus præpositas non esse consonantes, sed Diphthongi partem Grosippus à pag. 156. usque ad 165. multis disputat, quem consulere Magister poterit.

(b) Primam in *Fieri* veteres producere solebant. Plaut. *Amphit.* act. 1. sc. 2. *Pater citavit uno ut factu fieret.* Trin. *Si in obferendo possint interficere.*

(c) I, in *Alterius* producit elegantissimus Grammaticus Terentianus, ubi de Jambico versu loquitur: *Nec alterius indigens opis veni.* Item de carmine Heroico: *Sub alterius consonat vocabulo.*

(d) Unde fiat, ut diphthongus sequente vocali corripitur, vide in Grammat. Philosoph. pag. 163. Quod mox de Vocalis productione ob sequentem I consonantem præcipitur, à Virgilio non est observatum *Æneid.* 5. *Ore rejectantem, mistosque in sanguine dentes.*

(e) *Abscido*, ex *Abs*, & *Cado* usitatissimum latinis verbum fuisse docuit Gifanius in Lucretiano indice, quo loco *Vitalia rerum* quid sit, exsequitur, itemque in Latinæ linguæ observationibus. In libro Glossarum Vaticanæ Bibliothecæ sic se legisse Grosippus testatur: *Abscidens, abrumpens.* Virgil. *Hic plantas tenero abscidens de corpore matrum.* Ita Glossis auctoribus corrigere Virgilii locum possumus, quamvis omnes tam typis, quam manu descripti codices habeant *Abscindens.*

(f) Re-

(f) *Recensitus* tamen penultima longa dixit Claudianus ferreæ ætatis scriptor.

(g) Doctissimus Gifanius in præfatione ad Lucretij Lectorem secundam in *Nihilo* natura longam esse, adeoque corripì non posse perperam censet, quod prior in *Hilum* sit longa. Catullus enim perspicuè eam corripit in versu isto Glyconio: *Calites, nihilominus -v||-vv-||v-*

(h) Mediam in *Ambitus* participio natura non minus brevem esse, atque in *Exitus*, *Aditus*, *Initus*, *Obitus*, *Præteritus*, sed ex eventu, seu per accidens produci, quia scilicet ultima in *Ambe* vel *Ambi*, cum prima litera vocis *Itus* in diphthongum coalescat, ex Grammat. Philos. pag. 178. & Parad. Litterar. pag. 62. disci potest, quod ipsum sibi quoque visum esse suis ad Grosippum literis testatur cultissimus ætatis nostræ poëta & Jurisconsultus Hieronymus Aleander.

(i) De *Refert*, pro *Interest* dupliciter Alvarus fallitur: nam nec priorem semper habet longam, nec à *Res* originem ducit. Juvenalis versus est:

Sportula quid referat, quantum rationibus addat.

id est, quid intersit, quid tibi utilitatis afferat, apporet vel importet. Vide Grosippi Grammat. pag. 70. Vbi docet, *Quid hoc mea refert*, concisè dici, pro *Quid hoc refert* sive affert ad mea negotia, siye ad meas res, aut rebus meis.

Plaut. Persa: *Quid id ad me, aut meam rem refert, Persa quid rerum gerant?*

Ibid. *Prius percunctari volo, qua ad rem referunt.*

(k) Frustra tot exceptionibus Alvarus cavet regulæ suæ de quantitate præpositionis *Pro*, cum dubium non sit, quod in Lucretio Gifanius notat, ancipiti eam apud Latinos intervallo fuisse. Hinc *Prosocer*, & *Pronurus*, o, longa, *Pronepos* brevi Ovidius extulit.

(l) Ejusdem Gifanii in Lucretiano indice verba sunt: *Putant Grammatici RE semper breve esse; falso, ut alibi docuimus: SVB, & AB, semper brevia, & hoc minus rectè. De PRO simile est eorum judicium, etiam, nisi me fallit meum, depravatum.* Lucretii versus lib. 3. in libris veteribus:

Nec desiderium nostri nos adigit ullum.

Et lib. 1. *Recidere inferiora magis, quam corpora nostra:*

Tantum religio potuit suadere malorum.

Iterum lib. 3. *Refugisse volunt longè, longèque remâsse.*

Et lib. 2. *Reliquia motus vitales vincere sape.*

Id rursum cali relatum templa receperunt.

Et lib. 4. *Percipe nam certò penitus remota videntur.*

Propert. *Recidit inque suos mensa supina pedes.*

Ovid. 10. Metam. *Recidit in solidam longo post tempore terram.*

Horat. *Dii tibi dent classem capta reducere Troja.*

(m) E in *Tepefacio*, *Liquefacio* & similibus anceps est, quoniam quantitas ejus proferenda voce macrosyllaba vix apparebat. Notat Alvarus ex Lucretio *Expergefacta*, *Patefecit*, *Patefiat*, *Rarefiat*, E longa. Addi indidem poterat *Putrefactus*. Lib. 2. *Et tamen hæc cum sint quasi putrefacta per imbres.* Nec dubito, quin idem in *Arefecit* facturum fuerit, nisi necessitate metrica adductus sic invertisset lib. 6. *Principiat terram sol excoguit, & facit are.* Sed in *Cinefactus* E idem corripit lib. 3. *At nos horrifico cinefactum te prope busto.*

(n) O in *Retroversus* hodie corripit monet Alvarus: id quàm benè fiat, nescio; nam posterior in *Retrò* perpetuo à Lucretio, Virgilio, ejusdemque notæ aliis producit. *Retroversum* Grohpus in Lucretio reponendum censet lib. 4. ubi de speculis agitur:

Vsq; adeo à speculo in speculum tralucet imago;

Et cum lava data est, sit rursum ut dextera fiat:

Inde retrorsum redit & convertit eodem.

Monet Gifanius in veteribus libris esse: *Retrorsum* redit: unde ipsi visum fuit legere *Reddis*. Sed nihil attinet versum tam elumbem poetæ tribuere.

(o) Cur O in *Bobus* producat, ratio est, quoniam contracta vox est ex *Bovibus*, unde primum factum est *Boubus*, inde *Bubus* & *Bobus*.

(p) *Natricis* genitivus à *Natrix*, sine dubio longa est, cum sit à nando natrix, sicut à Natando Natatrix. Alvarum induxit Nonius, cujus in laudandis auctorum verbis oscitantiam suspectam habere debuit. Lucillius versus Jani Douzæ patris judicio rectius sic legitur: *Natricem impressit manibus crassam & capitatam.* Sumitur autem *Natrix*, sicut & serpens

pens apud Græcos, pro eo, quod incolumi pudore non dixerō.

(g) Venimus, præsentis temporis media brevi extulit Terentius Phorm. act. 1. sc. 2.

Eamus, duc nos sodes; Imus, venimus:

Videmus. Virgo pulchra & quo mage diceres.

(r) Notat Gifanus in ipso Lucretiani indicis vestibulo A litteram sæpè à veteribus contra vulgatos Grammaticorum canones productam reperiri, sed loca plerumque esse mendis inquinata turpissimè. Lucret. 1. Sanguinis, aut aliquid, nostra quo corpora aluntur. Et lib. 4. Quæ quasi membrana vel cortex nominanda est. Virgil. Dona dehinc auro gravia, sectoque elephanto.

Grosippus hoc amplius notavit pleraque ancipitia esse, quæ vulgo brevia, aut longa tantum ctedantur. Ut Contra posteriore brevi apud Manilium, & Valerium Flaccum, quorum versus Alvarus recitat, & apud Phædrum lib. 3. fabul. 41. Alii onerant saxis, quidam contra miseriti: ut dubitandi nulla sit ratio, quin ipsum in Ultra, Citra & Frustra usu venerit, etsi exempla ejus rei non extant, nisi apud Terent. Heaut. a. 4. sc. 8. Daturum vah frustra sum igitur gavisus miser: qui est senarius, in quo Færnus A in Frustra non sine exemplo corripitur, & R in Igitur elidi monet. In Triginta & similibus ultimam alias produci, alias corripitur idem exemplis docet Alvarus. Antea Catullus & Horatius ultima producta efferunt, quia usu facta fuit particula, cum fuerit Ante ea facta, hoc est, ante id factum. Idem ergo in Postea fieri poterit, cum sit post ea facta. Ovid. contra A in Postea corripit: nihil ergo impedit, quin idem fiat in Antea. In Propterea producit A, quia usus fecit particulam: sed eadem corripitur posse, vel hinc judicare licet, quod Ea propter Lucr. l. 4. dixerit, etsi A longa ob positionem: quæ ipsa est ratio in Interea & Præterea. Ridiculum est, quod Alvar. Puta pro adverbio habet in hoc Pers. Hoc puta non justum est, illud malè, rectius istud. Est enim futurum tertium, sive præsens Imperativi primæ conjugationis, quomodo & in hoc Triphallicorum versu: Ut Phæbo puta filioque Phæbi: qui est Phaleucius. Martial. In selio puta te mergere Elacæ caput. Notat autem Grosippus omnes Imperati-

vos in A, E & I, ancipitem apud veteres habuisse ultimam, ejusque rei apud Comicos exempla passim inveniri. Catul. in Hendecasyllab. *in Hendecasyllab.*

*Quaso, inquit, mi Catulle, paulum
Istos commoda: nam volo ad Serapim
Deferri. Mane inquis puella.*

In marmorea arca valde antiqua: *Tempera jam genitor lacrimas, tuque optima mater Desine.*

(s) Non solum *Cave*, sed & *Vale*, brevi E, inveniri notat Alvarus, cujus rei ratio est, non quia verba ista priscis fuerint tertii ordinis, sed quia, ut dixi, A, E & I in Imperativis erant ancipites. Vale. Flaccus lib. 5. *Incumbens Odrussa mero, vide latocomantem.* Martial. 3. ep. 4.

*Si quando veniet, dicet: responde Poëta
Exierat; veniet cum Citharadus erit.*

Idem lib. 11. epigr. ult. *Lector salve: taces dissimulasque? vale.* Ita veteres membrance. Vulgo *Solve*.

(t) Vulgo putant (ait idem Gifanius) *veteres in Superne & similibus Adverbis E semper produxisse. Hinc depravata sunt loca plurima.* Virgil. 2. Geor. *Flos apprime tenax.* Ita vetustissimus Codex. Vulgo *apprima.* Horat. *Album mutor in alitem superne, Sic in vetustissimo Codice legi. Vulgo Superna.* Lucret. 6. *Tecta superne timent, metuunt inferne cavernas.* Idem lib. 4. *Longe tamen parte ab summa cum tota videtur.* Terent. *And. act. 1. sc. 4.* Sanè pol illa temulenta est mulier & temeraria. Vbi Sanè pol, est *Dactylus*.

(u) Ergo semper *Causa* significat, cum valeat idem, quod *Facto* vel *Opere*, sitque Ablativus ab *εργον*: et si usus fecit particulam illativam, cum ex eo quod dictum est, aliud infertur. *Deus est animus. Ergo præcipue animo est colendus*: quasi dicat: Hujus rei ergo, hanc ob rem, hac de re, id est, hac de causa: Corripitur vero O per Sytolen, perinde ut in *Quomodo, Vigilando, Postremo, Cito, Sero*, quæ Ablativos esse Grosippus docuit. Martial. *Tu comes alterius, jam sumus ergo pares*, hoc est, illius rei causa. Monet enim Gifanius, errare Grammaticos, cum Adverbia in O putant cinnia esse producta, ut *Serio, Crebro*.

(x) Non

(x) Non animadvertit Alvarus, T, litera terminata pri-
scis tam longa fuisse, quam brevia. Ennuiis :

Omnis cura viris, uter esset Induperator.

Infit ô cives, qua me fortuna fero sic.

It eques & plausam cava concutit ungula terram.

Livius Andron. *Cum socios nostros mandisset impiis Cyclops.*

Plaut. Merc. act. 4. sc. 2. *Solet hortator remiges hortarier :* ubi

Solet Jambus est, quod haud intelligens Josephus Burdosca-

liger *Horitator* reponere conatus est, quo nomine merito va-

pulat in Scioppii Scaligero Hypobolimæo pag. 200. Terent.

Heaut. act. 1. sc. 1. *Putavit me & atate & benivolentia.* Virgil.

Cum clamore Gyas revocubat ecce Cloanthum,

Arduus effractoque illisit ora cerebro.

Multa Deos orans oneravit athera votis,

Dum trepidant it hasta Tago per tempus utrumque.

Sic in veteribus libris ista legi testatur Gifanius.

Monuit me tamen Grosippus, revera nullam consonan-
tem longam esse, cum syllabæ longitudo, sit vocalis produ-
ctio & quasi geminatio. Ergo, *Et* longum est quasi *Eet*, si-
militerque *It*, longum est *Lit*. Cum positio longam facit syl-
labam, id ait propter pronunciandi moram contingere, quam
brevibus quoque vocalibus affert consonantium numerus.
Ergo in *Est*, breve est *E*, non minus quam in *Es*, sed dux con-
sonantes eam excipientes ipsam syllabam faciunt longam,
cum pronunciationem morentur: quod tamen non faciunt,
quoties consonantium aliqua liquescit, ut in hoc Virgilii
contingit: *Ponite spes sibi quisque viri.* Nam *S* liquida est
testibus veteribus Grammaticis.

(xx) *Hoc* semper breve est, teste Probo. Auctor liberi
carminis: *Et vos hoc ipsum quod minamur invitat.* Plaut.
Aul. *Nunc hoc ubi abscondam cogito solum locum.* Veteres ta-
men dicebant *Hocce* & *Hocce*, quod positione longum est.

(z) Negat Alvarus ullum sibi succurrere exemplum pro-
ductæ ultimæ syllabæ in *Celtiber*. Grosippus hoc mihi ex Ca-
tullo subjecit: *Nunc Celtiber in Celtiberia terra.* Idem me
monuit in *Or* desinentia ancipiti apud veteres fuisse interval-
lo. Lucillius: *Languor oppressitque pigror, torporque quietis.*
Ita prudentius: *Quos lana terret discolor in stipite.*

(y) Verum est, quod ait Alvarius, M non semper elidi solitum, sed fallitur, cum in fine verborum semper corripi solere censet. Lucillii enim versus sunt, quos sic in membranis legi testis est Gifanius.

Præterea ut nostris aurium attendere dictis

Huncne inquam Hyacintho hominem cortinipotentis

Deliciis contendit ?

id est, hunc ne parem putari Hyacintho ab Apolline adamato?

(aa) Quanta sit posterior in *Anas*, non docet Alvarus. Petronius corripit hoc phaleucio: *Aut pictis anas innovata pennis*. Itaque media in *Anatus* erit correpta, & secunda in *Anatinus*, qua voce Plautus Rudent. uritur: *Vinam fortuna nunc anatina uterer*: in quo versu Hiatus est, nec A ante U eliditur.

(bb) Regulæ huic controversiam moverit, quod est apud Ovid. in Ariadnæ epistola.

Quis scit an hac savas insula tigres habet.

Sed ibi Grosippus *Tigras* Accusativum Græcum pluralem reponendum monuit, sicut *Lyncas* apud Horat. lib. 4. oda 6. *Lyncas & cervos cohibentis arcu*. Ultimam in *Ganymedes*, natura longam (nam in Græco est η, sive Ee) poetæ in Ithyphallicis corripuit: *Cui tradat Ganymedes ipse nectar*. Notavi etiam *Es à Sum* produci in Pedonis elegia ad Liviam: *Nata quod es alte, quod fatibus aucta duobus*.

(cc) Insignis Alvaria lucinatio est, quod putat penultimam in *Storcida* naturam longam esse, quasi esset *Parricida*, *Homicida*, qui scilicet Stoam cædat, quod prorsus est ridiculum. Rectè Britannicus monet esse fictam vocem instar patronymicorum, ut *Priamida*, *Æneada*, *Romulida*, & ab Hirtaco *Hirtacides*, ab Æaco *Æacides*, quasi Stoæ filii, sive à Stoæ profecti, hoc est, à Porticu, in qua Zeno Stoicæ sectæ pater docere fuit solitus. Simili modo Plautus *Rapacidas* finxit, quasi de Furum genere.

(dd) Nihil opus erat licentiam poeticam comminisci, cum syllabarum longarum correptio ad figuram Systolen, de qua infra, pertineat. Potestas quidlibet audendi, de qua loquitur Horatius, ad res ipsas, non ad verba, nec earum quantitatem spectat. Verba quippe valent, ut nummi, adeoque vel

vel à populo exhibebantur, qui verbis efferendis vel minimum peccarent.

(ee) Idem Catullus plerumque Glyconium à Chorco, rariùs à Spondeo incipit, nonnumquam & à Jambo :

*Diana sumus in fide
Puella & pueri integri
Usque dum tremulum morvens
Cana tempus anilitas
Omnia omnibus annuit.*

Secundus quoque Sapphici pes apud Catullum Trochæus invenitur, ut.

*Seu Sacas, sagittiferosque Parthos
Pauca nunciate mea puella
Otium Catulle tibi molestum est.*

Idem Catullus secundum Phaleucii locum Spondeo sæpe occupat, quod tamen est insuavissimum, nec Hendecasyllabi nomen admittit : ut,

*Oramus si forte non molestum est,
Puellas omnes amice prendi.
Tanto ten' fastu negas amice
Et multis languoribus peresus.*

(ff) Viri docti *Quisque* legunt, non *Quisquis*, quomodo apud Ausonium : *Pareto legi quisque legem sanxeris*, pro *Quicumque*.

(gg) Syllaba natura longa est, quæ duo habet tempora, ac si vocalis esset geminata, ut *Maater, Felix, Dederunt, Modoo, Quomodoo, postremoo, Cantandoo, Exemplare, Nee*, pro *Non, Putaa, Valee, Proopago, Obiit dissyllabon, Lunit, Pluverat*, quæ pronunciabantur ita, ut *U* posterius ad primam syllabam pertineret *Luu---it, Pluu---erat*. Systole igitur est, cum talis syllaba longa corripitur, id est, cum vocalis non duobus temporibus, sed uno tantum effertur: quod poëtas in multis fecisse deprehendimus, ut in *Dederunt, Modoo, Quomodo, Cantando, Exemplar, Nefas* (quod contra est *Neesarius*) *Putaa, Vale, Propago, Luit, Pluerat*. In *Abici* pro *Abjici*, similiter quidem Vocalis eliditur, sed syllaba tempus non mutat, cum etiam in *Abjicit, Objicit*, brevis sit, etsi duo *Ii* constituant ibi diphthongum, cum in *Obiit* dissyllabo tantum una longa sit *Itera*. Lucret,

Ipse Epicurus ob It decurso lumine vita. Juvenal.

Magnus civis ob It, & formidatus Othoni. Virgil.

Sceptra Palatini, sedemque pet It Evandri.

Sic in Romano codice legi testis Pierius, nec aliter Paulus Gabianus in Cardinalis Carpenfis exemplari Trajani temporibus scripto invenit, ut Erythræum nec Diis, nec viribus æquis cum literarum principe Politiano congressum miserari potius, quam quicquam morari debeamus. Qua porro ratione fiat, ut prima in *Iacit*, & media in *Abjicit*, sit diphthongus, nec tamen producat, cum unaquæque vocalis unum tempus in pronunciando consumat; cur etiam *Ab*, sequente diphthongo producat, à Grosippo de Orthoepeia pag. 163. expeditum invenies. *Postremo*, ultima brevi extulit Juvenalis sat. 11. *Et Scauros & Fabricios, postremo Severos*: cum tamen sit *Postremo loco*. De Modo posteriore correpta, res est in vulgus nota. Terent. *Fac apud te sis. PH. modo ut possim*, pro, hoc modo, quo possim, ita ut possim, hac lege promitto me apud me futurum, si facere id possim: nam *Ut*, nihil est aliud, quam *Quomodo*, seu *Quo pacto modo*, cui vel expresse vel superpresso respondere solet. Plaut. Capt. *Eodem pacto, ut Comici servi solent*. Et Bacchid. *Scin' quo pacto me ad te intro abducas? B.A. mecum ut sis*. Ergo *Abduc me ut tecum sim*, concisè dictum est, pro hoc pacto modo me abduc, quo pacto tecum sim, ita me abduc, ut tecum sim. Idem Milit. *Ita faciemus, ut quod vidit, non viderit*. Idem Bacchid. *Veniat miles ita ne mihi sit mora*, pro modo ne sit, eo modo, quomodo ne sit, sive quomodo non sit. Ubi perspicuum est *Modo* esse positum pro *Eo modo*, *Ita* vel *Sic*. Plaut. Afin. *Ætatem velim servire Libanum ut conveniam modo*, pro hoc modo seu pacto aut lege servire velim, ut conveniam Libanum. Et quoniam *Modus* etiam Finem significat, eo fit, ut *Modo* pro *Tantum* accipiat, quasi sit *Hac sine*, *Hactenus*, id est, non amplius. Sed de his Grosippus in Minerva pluribus exsequitur, qui Grammaticæ pag. 96. docuit *Quomodo* binas esse voces. Et tamen Horatius dixit: *Cum victore sequor Mæcenas quomodo tecum*. Sic *Sero* habet O correptam per Systolem, cum sit *Sero tempore dici*, ex eoque producit. Ovid. 2. Amor. eleg. 11. *Sero respicitur tellus ubi fune soluto*. Et *Cito* ellipticòs dicitur pro *Cito*

*to negotio, Vero pro vero negotio, re vera, in re vera, sicut Te-
rent. Hec. Mulieres falso nobis suspectas in re ipsa invenimus,
Ita & Mutuo valet mutuo negotio, re mutua, in qua per vices
negotium aliquod geritur, ut Amant se mutuo, hoc est, Ca-
tullo interpretante, Mutuis animis amant, amantur. Ita qui
pila datatim ludunt, mutuo pilam dant, in mutuo accipiunt, id
est, In vicem seu Per vices, alius alia vice, ut Accipere & Dare
sit res mutua, quæ inter Datores & Factores mutuo seu vici-
bus geritur: ex quo planum fit, quanta eorum sit imperitia,
qui Pecuniam mutuo dare & sumere dicunt pro Mutuam.
Vide Grammat. pag. 101. Politissimi Antonii Goveani in A-
delphos Terentii verba sunt: Ab lativos esse Primo, vero, cito,
sedulo, mutuo, ultimisque correptis dici interim nemo nescit.*

(hh) Dia stole est, cum syllaba brevis producitur, quod
fit, quando vocalis velut geminata effertur, ut duo habeat
tempora, quod in vocibus macrosyllabis sæpius usu venit, eo
quod obscurius ex longitudine sit intervallum. Hinc I in
Canicula, Cuticula & Clavícula producitur, etsi natura bre-
vis sit. Horat. *Hic in reduc-ta valle canicula;* quod contra
Plautus corripit Curcul. act. 5. sc. 1. *Vix foras me abripui at-
que effugi. apage istanc caniculam.* Qui versus est Trochaicus
tetrameter catalectus, habetque trybrachin ante catalexin
Pers. *assiduo curata cuticula Sole.* Cato in Diris: *Dulci nam-
que tumet nondum viticula Baccho.* Germanicus Cæsar in
Aratæis:

Qualis ferrato sabigens clavícula dente.

Succutit, & foribus reducit vincula claustri.

Ubi in *Re* est dia stole, quod effertur ut *Ree*, adeoque nihil
consonantem geminari attinet, etsi id in *Reddo* factum mini-
me ignoro.

Cæterum ex istis Alvari præceptis nequaquam constituere
possis, adjectiva nomina in *Inus* exeuntia, I longa an corre-
pta efferri debeant. Omnes quidem scholæ etiam illorum, qui
soli scire divinitus, suamque docendi rationem aureo fune
de cælo demissam videri postulant, hac personant regula, quæ
ab animantibus deriventur, esse producta, ab inanimis autem
brevia. Itaque *Onomastici Romani* auctor *Oleum Laurinum*
I correpta pueros efferre docet, quia scilicet *Laurus* anima
careat

cateat. Ab eadem igitur ratione discipuli ejus I corripient in *Funginus*, *Collinus*, *Alpinus*, *Marinus*, multisque aliis res inanimas significantibus, producent autem in *Elephantinus*, ut scilicet elephanti corio qua magistri, qua discipuli circumtenti judicentur. Sed ut Grosippus censet, ejusdem prorsus est, tanti flagitii erroribus tirones imbuere, & barbaros scriptores, à quibus Latine loqui discant, iisdem proponere, ut scilicet Onomastici illius emtores parvam caudam *Caudiculam* quam *Caudulam* malint dicere, eodemque exemplo *Mensculam*, *Penniculam*, *Barbiculam*, *Linguculam*, mille alia uberis virgidemix minimè indigna. Quod si animum notæ istius doctores possent inducere, ne omnes alios præ se fœnum esse oportere crederent, præcipueque ne aliarum religiofarum sodalitarum homines ut indoctiores contemnerent an contererent, discere *Mamotrecto* monente poterant, nomina *Inus* in exitu habentia, si Græca sint, esse brevia, latina vicissim longa: Itaque *Elephantinus*, *Faginus*, *Crystallinus*, *circinus*, *crocinus*, *amaracinus*, habent I correptam, cum sint Græca o in u conversa: *Laurinus* autem, *Funginus*, *Collinus*, *Ostrinus*, habent I productam, cum à nominibus Latinis sint derivata. Ab *Vncius*, quod natura adjectivum est, in quo *Clavus* vel *Hamus* subauditur, fit *Vncinus*, I brevi, cum sit Græcam, qua voce Vitruvius utitur lib. 5. cap. 10. Ab adverbis latinis derivatorum alia est ratio, ut *Vespertinus*, *Clandestinus*, *Craftinus*, *Serotinus*: nam *Matutinus* esse à nomine *Matutæ*, nemini potest esse dubium.

FRAN.

FRANCISCO ET CAROLO LOTERIIS

ROMANIS JURISCONSULTIS,
MARIANGELVS A FANO
BENEDICTI. S.P.D.

IAM septimus hic annus agitur, cum Roma huc reversi inobiles viri Senator & Antonius Septalii, Ludovici filii admiranda quædam de ingeniorum vestrorum felicitate retulerunt. Vos nimirum nonnisi XI. & XII. annos natos totum civile jus jam perdidicisse, & in Sacrorum Canonum studio feliciter versari, Virgilii vero Poëmata omnia tamquam ungues digitosque vestros nota habere, in iisque recitandis non unam quidem peccare syllabam, quodque admirationem auxit, ne abditissima quidem summi Vatis mysteria vos effugere, ut ea vel iis, qui nostra ætate in Poëtarum primis censentur, explanare possitis. Venit postea in urbem hanc Grossippus, qui mihi & literas à vobis ad se datas ostendit, & vos quarto & tertio decimo ætatis anno in Romani Athenæi Academia publicè magna cum omnium Acclamatione plausuque Juris utriusque consulti titulo affectos esse, ac nunc Philosophiæ operari, simul tamen viroꝝ optimo patri vestro in respondendo de Jure causisque clientium dirigendis subservire, laboremque minuere, nunciavit. Ista me impellunt, ut inter eos, qui vos amant, ac velut Italiæ nostræ ornamenta mirantur, nomen meum profitear, meque mutuo à vobis amari expetam. Quod ut minore negotio à vobis obtineam, muneri vobis mitto, quæ nuper Grossippus meo rogatu de ratione dimetiendi versus Comicos, commentatus est, quem quoniam à vobis patris vestri exemplo coli ac magnoperè diligi scio, istam ejus lucubratiunculam multo vobis gratissimam fore merito mihi persuadeo. Valete.

PASCASII GROSIPPI

De Versibus Comicis.

Versus Comi- corum alii sunt	Iambici, quo- rum pedes sunt	Iambus v -
		Spondaus - -
		Tribrachys v v v
		Dactylus - v v
		Anapaestus v v -
		Proceleusmaticus v v v v
	Trochaici, quo- rum pedes sunt	Trochaeus seu choreus - v
		Spondaus - -
		Tribrachys v v v
		Dactylus - v v
		Anapaestus v v -
		Proceleusmaticus v v v v
	Confusi, οὐ γὰρ ὁμοῖα μέτρα, in quibus Iam- bus, Trochaeus aliique pedes ponuntur pro- miscue.	

Cic. in Oratore: Comicorum Senarii propter similitudinem sermonis sic saepe sunt abjecti, ut non nunquam in his vix numerus & versus intelligi possit.

I A M B I C I.

Versus Iam- bicus est vel	Monometer,	duobus constans pedibus: ut, Optime o- dio es - v v v - Pessima mane - v v v - Abite vos v - v -	
	Dimeter quatuor constans pedibus isque vel	A catalecticus seu plenus, cui nihil deest: ut, Lucana mutet pascua v - v - - v - Verebar quorsum evaderet v - - - v - Catalecticus, cui in fine deest syllaba: ut, Quem nemo vidit umquam - v - v - - Hypercatalecticus, qui syllaba in fine abun- dat: ut, Ornare pulvinar deorum - - v - - - v - v	
		Brachycatalecticus, cui pes in fine deest: ut, Ita peregre adveniens v v v v - v v - Ac-	

*Trimeter
sen sena-
rius sex
constans
pedibus,
isque vel*

*Acatalecticū seu plenus, ut: Poeta cum
primum animum ad scribendum ap-
pulit v - || v - || - vv || - - || - - || v -
Beatus ille qui procul negotiis v - || v
- || v - || v - || v - || v -*

*Catalecticū, cui in fine deest syllaba, ut:
Trahuntque siccas machinæ carinas
v - || v - || - - || v - || v - || -*

*Hypercatalecticū, qui syllaba in fine
abundat. Ut demonstratæ sunt, hæc
ædes esse oportet - - || - - || - - || - - ||
- - || v - || v *Aliter vocatur Saturnius.*
Dabunt malum Metelli Nævio poetæ
v - || v - || v - || - - || v - || v - || -*

Brachycatalecticū, cui pes in fine deest.
Opulento homini hoc magis servitus
dura est vv - || vv - || vv - || v - || - -
In Magis, S, eliditur. Nonne idem hoc
lucis me mittere potuit - - || - - || - - ||
- vv || vv -

*Scæzon seu Claudus, qui in ultima sede
pro laribo habet spondaum.* Miser Cat-
tulle desinas ineptire v - || v - || v - ||
v - || v - || - - Quapropter edulcare
convenit vitam - - || v - || - - || v - || v - || - -

Acatalecticū seu plenus. Nil est trium-
pho, si licet me latere tecto abscedere
- - || v - || - - || v - || - vv || v - || - - ||
v - Istuc tibi ex sententia tua obtigisse
gaudeo.

*Catalecticū seu Septenarius, vel Hippo-
nactæus, cui in fine deest syllaba.* De-
prensa navis in mari vesariēte vento
- - || v - || v - || v - || - - || v - || v - || -
Satis pol proterve me Syri promissa
huc induxerunt vv - || v - || - - || v - || v - ||
- - || - - || - S, in Satis eliditur. Istuc tibi
ex sententia tua obtigisse lator.

*Tetrame-
ter seu
Quadra-
tus, vel O-
donarius,
octo con-
stans pedi-*

*lus, isque
vel*

Hypercatalecticus, qui syllaba in fine abundat. Atque ejus amicam subagitare vel heri in vino quo immodestus
-- || vv- || -vv || v- || vvv || -- || -vv- || -
Deprensa navis in mari vesaniente
Apeliota.

Septenarius, septem constans pedibus apud Plautum sapius, raro apud Terentium invenitur.

TROCHAICI.

Monometer, duobus constans pedibus, isque vel

Acatalectus seu plenus, cui nihil deest, ut: Vapulabis - v || - v

Catalecticus, cui in fine deest syllaba, ut: Occidi - v || -

Hypercatalecticus, qui syllaba in fine abundat, ut Vapulabitis - v || - v || -

Acatalectus seu plenus, ut: Cras amet, quod numquā amabit - v || -- || -v || -v

Catalecticus, cui in fine deest syllaba, ut: Proh Deum atque hominum fidem - v || -vv || -v || -

Hypercatalecticus, qui syllaba in fine abundat, ut: Qui te ad scopulum è tranquillo inferat -- || vv- || -- || -v || -

Acatalectus seu plenus, ut: Ad fores auscultate atque asservate ailes - v || -- || -- || -- || -v

Catalecticus, cui in fine deest syllaba, ut: Nonne idem hoc lucis me mittere potuit -- || -- || -- || -v || vvv || -

Hypercatalecticus, qui syllaba in fine abundat, ut: Qui mihi ubi ad uxores ventum est, tum fiunt senes - v || vv- || -- || -- || -- || -vv-

Acatalectus seu plenus, ut: Cras amet, quod numquā amabit - v || -- || -v || -v

Catalecticus, cui in fine deest syllaba, ut: Proh Deum atque hominum fidem - v || -vv || -v || -

Hypercatalecticus, qui syllaba in fine abundat, ut: Qui te ad scopulum è tranquillo inferat -- || vv- || -- || -v || -

*Versus
Trochaicus est
vel*

*Dimeter
quatuor
constans
pedibus,
isque vel*

*Trimeter
seu Senarius, sex
constans
pedibus, isque vel*

Tetrame-
ter seu
Quadra-
tus octo
constans
pedibus,
est vel

Acatalectus seu plenus, ut: Adcon'
hominem esse invenustum aut infeli-
cem quemquam, ut ego sum? *vv-||*
vv-||-v||--||--||-vv||-v
Catalecticis, cui in fine deest syllaba,
ut: Proh Deum atque hominum fi-
dem, quod si fit, perco funditus *-v||*
-vv||-v||--||--||vv-||-v||- Sic Amy-
clas cum tacerent perdidit silentium
-v||--||-v||--||-v||-v||-v||-
Hypercatalecticis, qui syllaba in fine
abundat, ut: Tu fortasse quid me fiat
parvipendis, dum illi consulas *--||-v||*
--||--||--||--||--||-v||-

Admonitio de Dimensione, seu scan- sione versuum Comicorum.

- I. **I**N eadem scena modo Jambici, modo Trochaici, & ut-
rique modo longi, modo breves inveniuntur.
- II. Sæpe syllaba prima versus ad finem præcedentis, & ulti-
ma ad principium sequentis pertinet.
- III. Sæpe Vocales longas uno tempore per Systolen, breves
duobus temporibus per Ectasin vel Diastolen extulerunt.
Abi vv Imo v- Animo vvv Phormio vvv Fuit - v
Fieri - v- Reduco -- v
- IV. Sæpe Vocales, vel diviserunt per Diæresin, vel contraxe-
runt per Synæresin aut Synalephen. *Iam vv Qui v- Ho-*
spitæ - v-- Phaëton -- Nihil - Rei - Huius - At - Meos -
Fiat - Potius vv Adeon vv Puero v- Proinde - v Duo-
rum - v Ambiens -- Legiones --- Histriones --- Ajebas vel
Aibas -- Hodie vv
- V. Sæpe per Ecclipsis literas & syllabas extriverunt, sive li-
teræ consonantes essent, sive vocales, & hæ tam longæ,
quam breves, idque vel in medio vocum per syncopen, vel
in finibus per Apocopen. Ita Cicero pro *Pestmarium, Post-*

meridianus efferebat *Postmerium*, *Postmeridianus*, & aliz
 extrita etiam S, *Pomarium*, *Pomeridianus*. *Axilla*, *Vexil-*
lum efferebant *Ala*, *Velum* fuga literæ vastioris, ut ait Ci-
 cero, qui etiam testatur pro Vasis argenteis dici solitum
Vas argenteis, pro Virorum *Virum*, pro testis fractis *Testis fra-*
ctis, pro si vultis, *Sultis*, pro Si vis *Sis*, V, extrita, pro Si au-
 des *Saudes* vel *Sodes*, pro Cape si vis, *Capsis*, in quò tamen
 Cicero fallitur. Sed *Facsis*, certum est dici solitum pro Fa-
 ce si vis, & pro Cedite *Cestre*, pro Surripere, *Surrigere*, Por-
 rigere, *Surpere*, *Surgere*, *Porgere*, pro Evasisi *Evasti*, pro
Vixisset Vixeret, pro Irritavit *Irritat*, pro Decreverat, *De-*
creverat, pro Scire licet *Scilicet*, pro Ire licet *Ilicet*, pro Cali-
 dior, *Caldior*, pro Valide *Valde*, pro Populo *Poplo*, sicut
Poplicus & inde *Publicus*, pro Admisisse *Admisse*, pro La-
 mina *Lamma*, pro Eveniat *Evenat*, pro Applicat *Aplicat*
 prima brevi, quia A in ad natura brevis est, quomodo et-
 tiam *Invidus*, *Convenit* primam correptam habent pro-
 pter elisionem literæ N, quæ elisio aperta est in *Coco*, & in
Copis, quasi *Coopis*, unde *Copia*, sicut *Inopis*, *inops*, *in-*
opia: pro Dives *Dis*, pro Divinæ *Ditia*, pro Videlicet *Vi-*
den, *Vultisne Vultin*, *Aisne Ain*, pro tamen, *Tame & Tame*
veste Festo, pro Obmitto *Omitto*, extrito M, quod ex B,
 factum fuerat, pro Juvit *Juit* sive *Ju-it*, extrita V. Ista omnia
 satis veterum auctorum testimonio certa sunt, adeoque
 nemini jam durum aut insolens videri debet homines do-
 ctissimos in dimetiendis versibus Comicis nullam eorum,
 quæ Grammatici præcipiunt, rationem ducere, qualia sunt
Audi vi -- nempe V, elisa & duobus I, coalescentibus *Rei-*
sio vv vv & *Reicio - vv* *Senex* -- quasi *Snex*, & *Senectus* -- E,
 elisa sicut in *Fenstra* pro *Fenestra*, & in *Liberius* -- vv *Argu-*
mentum -- vV, extrita *Fateor vv* *Confiteor vv* elisa E. *Audi-*
vere -- v quasi *Audiere* vel *Aud-iere* *Viden tu vv* -- elisa N,
 sicut etiam in isto: *Hera in crimen vv. v* & *Tamen vix vv* --
 quasi esset *Tame vix*. *Ne hoc quidem tacebit. vv* || v. -- v extri-
 ta M, sicut etiam in *Omnes v* -- *Nempe vv* *Enimvero vv* --
Nam quid ego - vv D, elisa sicut & ibi: *Quod ego te vv* -- quasi
 esset *Qu-ego te*. Ita *Sed quid hoc* -- quasi esset *Sed* quot. Et
Sed eccum -- pro *Seccum* *Ædopol - v* quasi esset *Æpol* sicut
Æcastor

Acastor quidem v quasi esset prius Quiem post Quem. Ita B, & vocalis exteritur in *Nobis*-quasi esset Nois & Nis, *Tibi*, *sibi* v quasi Tiifi & postea Ti, Si. Et *Abi*- quasi Ai. L, sæpe eliditur in *Ille*, quasi esset Ilc, priore correpta, quomodo veteres *Oli* pro *Illi* dicebant. Ita eliditur in *Simul cum vv*-Idipsum literæ R, & S, sive consonans, sive vocalis sequatur, uluvenit. *Miser quod vv* - *Par referre vv* - v *Soror dicta vv* - v *Est v Iste vv* *Ostendo v* - v *Esse vv* *Nimisquam vv* *Tu abis ab illa vv* - - quasi esset Tababilla, Sic *Melius est v* - quasi Melust. *Commoditates in hac re* - v || - v || - - elisa prius S, postea E Eluditur etiam P; in *Voluptas* una cum V, cum sit à *Volupis*, id est, jucundus quasi Volupitas. Sic in *Ineptus vv* cum *Aptus*, sit factum ex *Apitus* ab *Apere* verbo prisco, quod significat nectere, jungere; unde *Apex*. Etiam T, elidi solet, ut *Dabit nemo vv* - v *Tacet cur vv* - *Venit nunc vv* - In *Nemine ego* - vv fit ceth-lipsis duplex quasi esset Nemnego, sic *Idem mihi* - v v quasi esset Iem mihi.

VI. Sæpe litteras interposuerunt, ut vocalium Concursum sive Hiatum effugerent, ut *Mederga* pro me erga, *Antideo* pro Antceo, *Antidhac* pro Antehac. Etiam *Calim* pro Clam, teste Festo dicebant. In Plauto est *Perdeam* pro Peream.

VII. Sæpe hiatum vocalium admiserunt, ut : *quomodo hinc abeam nescio* - v || - - || v v - || - v || - ubi postrema vocalis in *Modo* non eliditur. Sic *Abi hinc in malam crucem*, non eliditur I, in *Abi*. *Hecyra est huic nomen fabula. hac cum data est*. non exteritur Ae, in *Fabulæ*. *Ille opere foris Faciundo lassus noctu advenit*. Nec E, in *Ille*, nec V, in *Noctu* eliditur, ut sit Trochaicus tetrameter catalecticus.

VIII. Sæpe M, non exteritur sequente vocali, & modo producit, modo corripitur, ut: *Officium hoc viri nequaquam est boni* - v v || - - || v - || - - || v - || v -

IX. Interjectiones *Heu*, *O*, *Papa*, *Au*, *St*, & similes animi motum exprimentes sæpe Actoris sunt, non Poëtæ, adeoque ad versum non pertinent, ut monet Victor. lib. 2. de metris. Illustre rei huius exemplum est in Plauti Mostel. a. 3. sc. 2.

*Ibo intro-igitur. TR. manes, videam ne canis. TH. agendum
vide.*

*TR. Est. TH. ubi canis est? TR. abi dierecta, abin hinc
in malam crucem.*

At etiam restas? abi istinc. SI. nihil periculi est age.

Aldi editio partim, & alii Codices habent: Abi dierecta est.

*Et mox: At etiam restas? Est? abi istinc. Sed nihil est
dubii, quin pro Est ubique legendum sit St. & Abi pro Vbi.*

Hoc modo:

St, abi canis, st abi dierecta, st abin hinc in malam crucem

At etiam restas? St abi istinc. SI. nihil periculi est age.

*Sunt versus Trochaici tetrametri catalectici, ad quos tamen
i terjectio St, præterquam primo loco, non pertinet.*

F I N I S